

阮亭選志壑堂詩集



10917

志壑堂詩序

國朝

天津

爾雅曰序緒也文籍之有序助於書詩書不具論詩
大序或謂作於孔子或謂作於子夏小序或謂作於
子夏或謂作於衛宏或謂作於毛公伊川程氏斷以
爲出於國史之筆而鄱陽馬氏則謂讀國風諸篇而
後知詩之不可無序又以爲聖人之刪詩其見錄者
必其序說之明白而旨意之可考者也其軼而不錄
者必其序說之無傳旨意之難考而不欲臆說者也
序之有功于三百五篇如此晦菴朱氏欲以鑿空之
見廢之終不可得也後人結集文章例必有序蓋本
於大小序之義而呂伯恭謂序文籍者當序作者之
意夫苟不通知作者之意則不如其勿作耳矣翰林
檢討唐先生在

志壑堂詩王序

一

世

祖朝以史官抗疏言事罷歸其言直斥臺諫之非分
別白黑言人之所不敢言當時以爲好名者有之以
爲出位者有之然國家事臺諫不言則侍從言之古
者諫無專官庶人傳語百工執藝事而况於文學清
切之臣乎先生罷歸四十年鍵戶讀書不以身之放
廢而忘君父於凡國計民瘼利病休戚皆借箸而
籌之可見施行又寃極朱陸同異之辨旁及二氏之
說皆務窮其波瀾而詳其指歸扁舟襍被攬竒勝於
吳越章貢之間者數年而後歸息乎般水之陽蓋先

生之胸中浩浩然落落然如雲之行於太空如風之行於江海隨所寓而發之而未嘗有所執也故其文近於蒙莊而其詩近於東坡讀者欲以拘墟之見尺寸而測之失其意矣予於先生爲詞林後進阡陌相接辱先生知交最深自謂能通知作者之意故定先生集竟而述之編首以竊附於詩之大小序云

康熙辛未中秋

賜進士通議大夫兵部督捕侍郎

經筵講官

三朝國史副總裁前都察院左副都御史詹事府少詹事兼翰林院侍講學士國子監祭酒新城王士

志壑堂詩王序

正序

志壑堂 序

余嘗欲條疏古今賢臣建言分而爲三彙成一書三者一曰宰相一曰侍從其一則諫官也蓋古者諫無專官所最重者宰相有輔導之義侍從有啓沃之任其責重與諫官等耳獨怪今之言事者專以其責屬之臺省於輔弼講讀之臣未有所與焉而爲輔弼爲講讀者亦遂弛然自寬以爲非我之所有事使諫官之能盡其職天下之事有諫官所不能盡言者矣而況今之官名爲諫者其能盡其言責者十之一其不得盡其言責者恒十之九而能盡其言者其言之又有行不行行者嘗少而不行者嘗多也然則如之何而不以責諸宰相與侍從者也順治間有詔命詞臣修玉匣記佞帝化書時則檢討臣淄川濟武唐先生上言以爲不宜崇此非聖之書妄費紙筆爲

志壑堂詩姜序

聖學玷又爭御史張煊給事陰潤事忤

旨歸里

本朝之能以翰林共諫職者自檢討始從此考槃般水之陽垂三十年發憤著書多忼慨沈鬱之旨或謂先生非身絀而道困則不能昌其文以自列於後世旣先生訪友四明橐其支數卷以示予予讀其經世之言所爲籌餉積穀銅鈔改漕之法訐謾碩筭鑿鑿

皆可見之施行其文字明白體切亦與賈長沙陸宣公相上下惜其雖能言不得試之實用且言之用不用命也並不得自見其言於朝以待有力者之言而舉行之焉良可悲矣則夫以先生之文爲窮而始足自列於後世者豈足知先生之志者哉先生當放廢之餘汲汲然以天下生民之事爲已憂顧其中若有所不暇者而當爲先生之憂者反營營終日亦若有所不暇於天下生民之計循是以徃斯民之患將安息乎此余之所以不禁三太息於斯文也慈谿後學

姜宸英撰

志壑堂詩姜序

二

阮亭選志壑堂詩集目錄

卷之一

五言古

十三首

卷之二

七言古

二十七首

卷之三

五言律

四十五首

卷之四

志壑堂詩目錄

七言律

九十二首

卷之五

七言律

七十六首

卷之六

七言律

一百八首

卷之七

七言律

三十二首

卷之八

七言律

九十七首

卷之九

七言律

六十首

卷之十

七言律

四十八首

卷之十一

七言律

志壑堂詩目錄

三十五首

卷之十二

五言絕

十五首

卷之十三

七言絕

五十一首

卷之十四

七言絕

六十四首

卷之十五

七言絕

二十五首

志齋堂詩目錄

三



阮亭選志壑堂詩卷之一

五言古

潘川 唐夢賚

雜興五首效馮易齋先生用東坡韻

古帙人已朽，斲輪啜其汁。至味不在書，如水之能濕。
展卷見古人，浩然期自得。掩關遠市廛，輪蹄一何急。
宴坐遊八極，篆烟起寶鴨。青杏黃公壚，煮酒香浸鼎。
昨日入東山，山櫻已供赤。林密春禽鳴，泉流盤石白。
俯身攀古洞，蔓蘿牽吾幘。回首緇塵間，能令知者泣。
林花發有時，壁月寧無缺。茆亭水樹支，據床對嘉客。
况復多道流，莫厭終宵集。

志壑堂詩卷一

一

自冬及春雨，艱貴侔金汁。不願丹砂成，但願阡陌濕。
卽今瞻四郊，麥秋竟何得。山國十餘年，無如此歲急。
隱憂在空倉，餘粒惜豚鴨。端坐望雲漢，不忍發尊罍。
有客北方來，問道千里赤。天意不可知，民瘼宜早白。
年來休養功，家纔完衣幘。剡瘡供官糧，猶同隣里泣。
豈堪春夏交，坐見饔飧缺。何況禁網間，時時有暴客。
杞人誠何知，無端千慮集。

王阮亭曰：仁人之言哉。

歲月習清齋，入口怪麩汁。雖云暢榮衛，畢竟傷胃濕。
微醺憶堯夫，自計聊云得。休糧卽未能，此物誠何急。
矧以口腹微，無故災鷄鴨。單命在刀砧，椒馨透蒸罍。

擊鵲岩穴驚投網水族赤我昔遊海上螺殼如山白
何似籬落間飛啄鳴絳憤但恣七箸歡不聞造物泣
試叅玉版禪盤餐亦無缺奈何輕殺業漫云供賓客
慎哉命庖厨寃重百疴集

阮亭曰宋人詩云秋來霜露滿東園蘆葦生兒芥
有孫我與何曾同一飽不知何苦食雞豚與此詩
當並書

座右

田家供天儲粒粒皆血汗饋餉起千艘淡水添江濕
海上垂多緡罪鯨何日得廟謀三十年觀成此時急
豈無懸瓠城雪夜亂鵝鴨咄哉師武臣滅此後發冢
凱歌露布稀徵餉羽書赤以海而攻海此策人曾白
繞朝祝緩征大農憂脫憤飽騰近何爲徒令農夫泣
金城十二策屯戰食無缺軍不自食力主兵反爲客
豈有緩帶者坐看輪輓集

阮亭曰五字
何減趙充國

循吏職筦庫鼎沃函牛汁司鑰巢穴之漏卮不覺濕
剡新以補舊彌縫計亦得一朝行借支無怪其窘急
大者搜蒼鷹小者飼欄鴨雲厨支空釜不堪揭其罍
借支舊有餘其如雙手赤祇對且模稜聊以免曳白
如彼髡首者憚人脫乃憤阮亭曰
失笑畢竟恃新支但飲
窮簷泣否則襟肘間度支得無缺慎哉守倉庾但宜
如過客桑孔長子孫致使雀鼠集

張歷友見貽將入長白之作奉答

學道不及時攬鏡青髮白浩蕩乾坤中駐顏無良策
畢竟五嶽雲不改千年碧人生卽尙平能着幾兩屐
吾家長白山橫亘烟鬟隔不見范秀才鹽粥常托迹
剝啄鎮相關幼安應割席高卧亦良佳寧必注仙籍
芳艸萋幽塘聊可永朝夕白社憶遠公宗雷風久寂
何妨禮瞿曇鐘餘惟面壁一日此跌跏三生滌塵積
崑崙有山人咄嗟賦行役如鶴唳九臯俗累乃水釋
於世非羊裘虞夏吾安適梵唄與書聲何期對嘉客
流水咽危崖蔓蘿施嵌石單椒望錦秋漫漫雲夢澤
跬步而尖之此生一可惜魚遊與淵謀鳥棲與木擇
安事五侯鯖已收十斛麥坐嘯亦行歌披襟復脫幘

志壑堂詩卷一

三

有時偃北窗涼颺何槭槭有時拂丹崖吐句鳴泉瀉
服食刷黃精辟穀啖紫栢金珀及朱苓千歲結松魄
九還就鉛鑪三車引鹿春相對坐吹笙霞舉一何易
西州問北邙臨風徒惻惻貧子而衣珠匹夫而懷璧
嗟哉賢進冠呵殿手可炙南畝箬笠寒東市朝衣逼
太息念少年雙輪一何迫張子千里駒閉戶探史冊
錦帆破長風大業良難測余病已倦遊駕言依古德
便當問招提三徑爲子闢

同社文會次喜雨二首

舊農怨穀賤新農怨雨遲帝意兩哀之雨及麥秋時
無稅長吏怒無穀婦子悲馳告五湖長颺爾展靈旗

御杖走無聲竟夜得淋漓砌花折初甲簷桐引故枝
嬾僕不可策晨起花自移而况貧山人其樂寧可支
隣肆初煮酒將與友共之吾友傷如焚久齋夜祝釐
涼颺自南來請君徇一卮

阮亭目
似坡老

讀古梯榮耳吾黨在絕學夏木老陰合下帷謝剝啄
庭有二三子鷄鳴紛喔喔濼洛相探討經史共揚摧
道衰子思憂家貧顏子樂疏泉疏其原攻玉攻其璞
功利嗟已紛典刑嗟已邈狂瀾而東之五鹿豈嶽嶽
濟上歸念東先生贈詩見詢用韻奉答

野望披金風揮鋤當農隙遙想嵒華間兩峯對蕭瑟

志壑堂詩卷一

四

長歌策蹇來浩蕩城陰直彌勒下同龕瓦枕板扉窄
佛火雜魚燈經唱鐘聲息夜聽水龍吟梵志人非昔

絃誦魯諸生紈袴兼黃馘鼓篋復三年上書陳一得

晨昏鎖院開雜沓佻壇側携瓶復承筐袒裼容蔽膝

或英如終軍請纓許報國或醇如江都爛熳天人策

跼踏號舍中伏首恣探贖徃復雖多賢黃冠逢奇客

沽酒豐樂樓買卦君平室菜圃水木交想見古阡陌

芙蓉北渚亭一聽霓裳拍東流水館前困鱗繫盈尺

湖墅與龍山幸無人聖壁趵泉江家池不聞黃鶴跡

蕭寺放生文專待燕許筆昨澤及禽魚道路傳嘖嘖

稷下凡幾年未見此功德確碑紹先賢約社起新則

崦嵫能幾何回首雲已黑小果雖偶成如晞髮初櫛
宿願久不償如妬衣弗漬努力須及時匡坐感胸臆

卽事

南風拽縴行高卧良不惡忽聞破浪聲歡言北風作
岸草一披靡長音振林落鷓首矯若龍烏檣輕似鶴
長年更事多當行忽且卻不復語諸人但云卸蓬艸
君看急流中幾許前賢錯

阮亭曰偶然之語可銘座右

岸草與溪長帆勢隨溪轉連日竹纜牽舟子雙纏繭
我起坐明窻罷書惟搔癢同舟此快風直使無愁遣
秋樹寺崔巍秋花木清淺天道自好還人事有舒卷
鄭重守蓬人箇事君專典

志壑堂詩卷一

五

題孫孝則四世圖

隣桑寄玉環僧窳留故紙如水之與泡多生彈指耳
禪靜中諸幻識滅有此理纒囚不足悲令僕不足喜
墮地原非生蓋棺亦非死若作宿命通竊恐爲魔使
若見相非相請自今世始不然十七史從何處說起
吾生信有涯泡息還爲水龍華會中人再拜肩休子

阮亭曰根器元近玉局翁遺語亦逼肖

和張明府

青女恣嬉遊老龍耽春睡三月輾扶犁田父潛憂悸
或云綠秋霖此早關天意又云年屢豐寧能諱災異

我侯切痾瘵除壇爲神位蠲沐膏不眠曉起却輿騎
闔闔千萬家維特猶夢寐乘炬鯨鐘鳴陳幣祝詞秘
是日徹帝闈馬鬣救群吏雨師倏以驚倉星整雲轡
駿隼颯靈旗惠雨須臾至西窻響淋零南陌潑青翠
喫酒何足云隨事理能致不爲使君賢豈能承天賜
余昨病北村欵段渡河陸來牟欣有秋良田將時植
盼昨豐十厯大嚼徒抱愧好作喜雨歌伐石勒巖窟
循吏增秩金亦祇平常事願以告寰區人神隔無二

志壑堂詩卷一

六

七言古

淄川 唐夢賚

泰山歌

泰山差勝長白耳坡陀何曾四十里翠輦不來御路
殘五松已老大夫死吳門匹練事荒唐秦碣穹窿無
道理後人割磨昔人碑開山鑿破青山址願酌北斗
倒銀河淨洗乾坤反其始

看日出歌

日觀峯頭看日出聞鷄蹴起不暇冰凌空一杖坐單
椒但見間闔深鎖雲填谷此時羲和睡正酣龍宮高

志壑堂詩卷二

一

挂扶桑轂少時海東散微霞山脚明河顛拖玉赤城

爛慢色漸驕粘天橫練千層綠同遊大叫真奇絕朱

鏡誰家忽出匱一時倏變珊瑚鉤噴焰三角紅髻蹙

此時只在平地白雲中卻隔海天尺五六須臾全現

丹砂盤虞淵一躍湧天腹昔年看日二勞山海涯更

覺駭心目白榆歷落晃銀灣寶柱一道搖金燭蜃城

隱見經幾時回頭兩度開黃菊少壯幾何白髮催東

望再拜申微囑總此乾坤無盡時六龍飛轡何須速

何不紫縛三足烏高縮天樞膠地軸一輪便碾三萬

年掉鞅蘇門少拘束胡爲乎奔馳若木又咸池叱馭

晨昏空碌碌

醴泉寺用韓退之南谿韻

豹山之曲層巒裏北望長白連翠微柱礎占雨甕
濕不如山髻青練飛雲旗旆旆雷師走頃刻灌我禾
珠肥山陰范子讀書屋屋與此山稱兩稀至今丘壑
閉關者埋金寧肯耽朝饑此公鼎彜今已矣哀泉枕
月關僧扉昨日遊山卧道閣龍鱗老樹大十圍臨階
活水聲澌澌當窻松影雲霏霏雨後瀟湘屏十二菜
畦遙挂水田衣攢眉白社不可住夕陽西下連征鞵
藤蘿彌谷辨陰合席帽吟鞭何處歸

阮亭訂以永叔摹退之

贈笠雲閣主人並呈念東先生同歸孝儀賦

志壑堂詩卷二

二

平山堂下古邗溝連甍臨水架朱樓記得放船花十
里蕪城不見使人愁般陽城外笠雲閣瓊闌千山雲
萬壑青鞵出郭樹蒼鬱紫騮嘶風石罅約主人開閣
坐胡牀高柳鬢髮冰雪涼梁園詞賦江南客美酒千
鍾錦瑟傍畫橋長舫橫綠野歲歲年年醉春社白雲
行酒小蠻歌紫山捲幔斜陽下斜陽撲座芰荷香舫
艣新茶薜荔鄉紅牙按拍成潦倒蔚藍天地入蒼茫
江南無山北無水鑑湖一曲良堪死丈夫老大不爲
歡局促轅下徒爲耳我欲作歌銘白髮片帆漫向維
揚發雨歇但攜枕簟來莫復中宵負明月常侍先生
憶昔年酒帘新句遍妖鬟借問山中金鑿落何如銜

散錦連錢高閣使君雙鬢青酒闌仔細聽銀筯一朝
尺檄河陽道溪橋入夢太愁生

心太平菴硯歌爲通州守畢載積賦

狼山舊索陸研銘此債積逋十年久探竒偶過綽然
堂顧盼不覺詩思陡世間銀粉與吳鉤娥眉劍客遇
非偶車渠筆格渭南船珊瑚鐵網漁翁手鸚鵡雙射
碧龍吟隴廢憶對黃藤酒研理宜堅而勿強研心貴
澤而惡溜出水依然太平菴將母太平乃不朽君身
前是陸放翁幾劫今爲崇川守所以獨喜務觀詩黑
頭早作太平叟次律僧窵叔子環三生澤畔還知否
塵海百年堅此銘牙籤莫負平心友我願硯池挂太
山更祈硯杓酌北斗潑墨在呼賀太平心到羲皇我
何有

志壑堂詩卷二

三

青蘿洞行

東蒙居士紫霞翁起居不與世情同別館崇臺住不
得蒼崖鑿破張穹窿洞前流水清如玉荳蔻桑樹柴
門綠柳將溽暑碧溪東籬邊但許雙鷗浴鑑湖一曲
種荷花湖岸陰萬柳斜行人坐卧不能去惟云河
上老人家似浮雲身似寄外人那得知其意玉井
金欄一闕棋羊腸蠟角皆兒戲志壑堂前笋成竹洞
閣芙蓉開簇簇村酒不辭似蜜甜可惜流光如轉轂
君不見武林詞客桐城老回首山原悲宿草又不見

諸公金紫風中絮一揮狼狽青門去刈麥人忙小巷
空閒齋不定雨兼風午前絳樹流晴日午後清樽對
落紅

余晚歲種竹頗得法樹百手自爲山各相矜詡
念東先生云是可記也乃作歌

城南萬疊芙蓉山城中千箇琅玕竹山轉逸樓風滿
廊竹生志壑雲遮屋空庭崢嶸影迢迢芳砌植欒聲
謾謾君到開樽醉竹根我來携簞眠山麓雨霽曉粧
畫遠眉天寒翠袖臨空谷諸峰拱揖似兒孫新筍崢
嶸如仲叔我有一言爲君讀平泉梓澤皆小築合圍
干霄皆樸樾君不見山有豹虎竹有蠹麥秋無麥千
家哭尙平五嶽且遲遲阮籍諸賢空碌碌竹裏吹笙
赤鳳來山頭典雨青鸞沐此君揭葉撼天關他石谿
猗撐地軸家家竹樹報平安處處山泉響飛瀑有時
叢桂遍岩阿從君二華三天竺

袁松籬秦鏡歌

秦宮寶鏡高五尺離館煌煌秋水碧當時六國曉奩
開九天簾捲繁星射忽傳隆準自東來鮫綃掩泣君
脚壁一時封閉待重瞳楚漢曾窺貌不同垓下覽罷
虞兮哭慚無面目過江東此後銷沉滄海岸流傳君
手爲君玩桑田清淺幾多年不知晉魏何云漢入君
手爲君嘆阿房照胆成虛筭先秦但許照蛾眉前庭

鹿馬何曾看

獨酌放歌

海內吏治誰最良北聞益都南武康海內吏治誰最

苦久聞齊東徐明府國珍益都王令綜讀禮歸父老

卧轍共牽衣三日素車不得去荒原揮淚雨霏霏武

康作令韓公子逢麻少年辛苦山城裏上馬殺賊下

論文四郊嘖嘖賢聲起齊東倒篋賠民糧無子無妻

死異鄉齊人傾國營高塚哭聲聲與清河長

羊流店

天門日觀秋風起來過折臂三公里緩帶輕裘事已

非酒人解說羊叔子墮淚沉碑亦偶然雙松尺碣自

年年借使襄陽耆舊在何如杯酒醉生前

志壑堂詩卷二

五

王休徵廟

假館主人坐談笑謂我雨歇宜登眺伴城東南繞孝

河河邊孝子王祥廟老槐古栢勢參天青蒲紫芡堪

垂釣當其卧處冬不冰鬱蒸三尺清如燒門外淋漓

雨不收欲往從之但清嘯臨食輟箸重欷歔湯泉火

井定何如却笑蘇秦主父偃輕將恩怨較親疎

諸葛故里

人生遭遇偶然耳卧龍強爲三徵起五畝茅廬八百

桑他時身退期歸止吳魏英雄孫仲謀霸圖草就聊

爾爾白帝城高八陣寒將星墮落人如此陰平不守

劍門開子孫戰歿降王喜嘔血徒爲水鏡嘔抱膝高
吟良已矣南陽故業不歸耕海嶠空傳諸葛里嗚呼
回首伏波下澤車長源貶謫青田死諸君仙骨且蹉
跎餘人珠璣何能齒芝草東園綺里公桃花西塞位
真子掉臂長歌歸去來人生遭遇偶然耳

傾蓋亭再題壁

重來孔子聞官路來看殿壁曾題句白鷺群飛舊種
田青帘還掛臨街樹道人爲我前致詞殿後將修大
士祠普陀巖上蓮花座祇樹園中楊柳枝我向道人
重致語世間百事有緣起此殿前宜享聖人後宜郊
子與程子主賓於禮最相宜衣冠胥蠻爲佳耳大士
靈祠遍十洲神鴉社鼓歲無休不應凡聖交參處混
雜龍蛇共九流

塞海門

黃河浩浩來萬里龍門積石何時止當日九河俱北
流冀州亳都屢遷徙今日驅遣與淮通東使迎漕非
本旨岷峨諸山爲江源英霍諸泉爲淮始江湖合併
勢滔天東流就下歸揚子秦湖餘雪下姑蘇尙屬細
流不能比廟灣之間立海門前賢創作奔濤砥海潮
來閉江湖開諸水東歸皆瀉此前年遷海初塞之一
時原爲防海起詎知一塞不可開江河怒鬪河身地
司空日夜蕩黃金誰說海門惟禁齒江河壅遏高於

山淮安城伏狂瀾底東去高竇四五城年年不得保
桑梓西風一浪高堰崩漕艘安有飛如駛河伯逆流
又無歸簫鼓金龍徒享祀譬如有人閉尾閭日日醉
飽其人死假使神禹爲河臣問水之性此何理早晚
但能開此門勿徒伎倆陳空紙挑則真挑修真修卽
今閩海平於几草野今聞開汴河田夫恐懼舟師喜
大抵河水若禦龍不可繫縻如臂指逆水之性祝效
靈汴河雖開徒爲爾勢必金堤棄不修重歸馬頰與
太史坐使黃流奔九河恐護神京策非是

金家梁

病容漸減頰看鏡丈夫不死還高詠闍黎兩月守毘

志整堂詩卷二

七

尼水神蝦虎

鱸魚松江人名蝦虎

交相慶漁唱耶當著反騷雄

文何敢爲非孟生前杯酒死後名正寢路葬皆由命
三十六宮飛燕身二十四考中書令石馬嘶風翁仲
寒蛟碑斷折麒麟病吾圍拱把竹成林小山籬落遙
相映歸來酒熟臘梅開微臣時復一中聖

阮亭曰又妙於萬八千戶冠軍侯矣

呂芳生畫山水歌

呂子爲余作三畫其一踏雪騎驢來山中其一錦幃
朱節臨於越其一高牙大纛下天雄寸馬豆人各奇
絕林莽烟水探無窮余持三畫歎不已怪其筆底開
鴻蒙遠人無目却娟秀遠山遠樹皆鬱蔥乍似神駿

遊八極大者爲鶴小沙蟲憶昔相逢沂水茅店擁
爐出一紙細潤雲巒鐵線皴大呼唐寅今可起呂子
聞之爲破笑似許吾言知畫旨於今吳越畫家凡幾
家田叔章侯皆已死衡山之後有幾人圓照烟客石
谷三王子石谷之徒顧荇文蔚然後出爭壁壘與君
馳驅並中原右執橐韃左鞭弭爲我更寫五嶽之真
形處處置我山岩裏僕雖老矣故倦遊尙能布襪青
鞋從此始

送呂芳生之壽光兼寄魏中翰

揚鞭東指青淄渡牛山蒼翠紛無數金嶺驛館小傾
巖纍纍遙指田齊墓田齊無復古臨淄揮汗肩摩總
非故一問夏王樹灌城三宿孟軻徘徊路大梁公子
魏無忌結客燕臺恭執轡卽今刮目老候嬴田光朱
亥皆能致公子城南甲第遙橫塘綠樹百花橋煩君
寄我蘭亭本莫忘山人詩滿瓢

送祖珍禪師掃塔

泰山七十二芙蓉蒿里山下泉淙淙石堂巖巖三層
屋北種蓮花南種松憶昔淳沱垂一綫笑巖老子潛
京縣寸綵九鼎放光明於今糾糾兒孫遍窳堵波峻
起先皇辛苦石堂一瓣香芒鞋斗笠桑乾水莓苔
掃罷淚浪浪傳言東照石堂老抽身燕市歸來早鶴
鳴猿啼不可留歸餐黃獨拾瑤草泰山東下見般陽

青石關高孝水長蒼梧翠竹茅亭好來往風流志
堂堂西開徑起荒菴彌勒頭陀共一龕三家同異閒
商畧拄杖桃花且罷叅莫分李釋與周孔小儒門戶
慙慙懂浮生支許事如何要離墓近梁鴻冢

明湖館題壁和王太常子下韻

蘭棧點破萍花碧柳絲蘸水漁蓑濕湖氣欲沒夕陽
紅綠陰乍斷佛山出波心亭館蔭芙蓉波間鷗鷺相
離卽拂塵醉讀故人詩華表鶴聲如有失

汪蛟門百尺梧桐閣圖

平山堂下紅橋路重來猶識扁舟渡烟水南詢憶昔
時名園北郭紛無數汪舍人詞華久百尺高梧千斛
酒錦瑟雙鬢一發聲練裙斐几墨如斗紫微省岫巖
書神仙自古愛樓居我家竹樹千岳裏春到梅花定
不如

志壑堂詩卷二

九

題顧苻文所作志壑堂圖

費山之麓樹一簇中有豹岳讀書屋有時炙背或曝
腹欹枕松風起謾謾探訪花源問訊竹久客湖光如
轉轂何事吳山空碌碌顧虎頭寫此幅携之露餐復
風宿掉臂長歌歸去來莫待紅衣搖落開黃菊

和吳海木南湖長歌

我昔停棹鶯脰湖湖色山光眼底無嘉禾南湖再登
覽名與西湖孰勝乎初到西湖四顧喜欲尋南渡宮

墻址宋都已沒玉津荒惟餘鷺立空江水自蘇而後
繼者誰柳堤花塢伐無遺春風三月春堤禿恰恰黃
鷗不住悲一從閩海孫恩擾伎館倡條跡頓掃松杉
無恙冷泉亭但有飛來一峯好遊人畫舫戀湖中夕
陽不與六橋通命酒湖心一繫纜無數歸橈落日紅
攢峯逼出芙蓉帳尺水分作鼉鼉官岳墳樹近于忠
肅孤山祠接陸宣公韜光宿願約朝典簪笠孤筇試
一登曩曩名泉來碧嶂三三樵唱出青藤樓觀滄海
斜陽滅水落金蓮路千折挑燈入夜數湖山輪指絮
絮爲君說北郭買舟方醉眠嘉禾城南最可憐虹橋
菴書雲遮寺烟樹浮村綠漲天下榻飛舟恣遠眺范

志壑堂詩卷二

十

蠡湖邊携二妙看竹開扉客共行聽松煮茗僧來召
明日聞鷄相蹴起暫置芳罇與綠綺簾捲長街乞巧
樓舟穿近陌魚蝦市翠盤團繡剝鷄頭丹棹雙飛泝
燕尾樓榭雖殘烟雨明湖光正好鴛鴦戲雲物潤蒸
雲夢澤縠紋變現岳陽記裴休故宅竹如雲報午鐘
聲隔岸聞窅堵波上天門近祇樹園中世界分誰家
別墅露孤洲望裏雲蘿灌木稠已傾歌館猶巢鶴徐
羣綠鷺不驚鷗嗚呼名園亦荒詞樓圯阿育王塔猶
孤峙同遊長嘆復高歌武林吳子與許子流光轉瞬
日已晡水早來田亦蕪田廬增稅佐軍興下及蠻
烟與市治吾輩逍遙還命酒醉眼看湖湖似斗較量

鷺脰與西湖洪厓爲師浮丘友好乞步兵爲酒監狂
來免解驪驪換筆床茶灶此湖中不知晉魏何云漢
君不見少伯一棹五湖邊西施風雨共年年養魚種
竹鴟夷子誰識陶朱與計然歸憶穿針兒女席好記
作歌是七夕

和海木舞蛟石歌

踏秋訪客春波門沈子邀看舞蛟石其石嵌空逼霄
漢老藤怒踞張赤帟舞蛟鏡字大於升云是鷗波之
遺迹嘉禾百里曠無山此石五丁或遙擲傳經良嶽
黃帕封麗譙門啓不容尺以此流落尙人間花石綱
使難爲役同行吳子發長歌摩娑千言不能釋我爲
作歌答吳子世間萬事如薪積伯鸞敝屋臯伯通孝
然土塋廬無蓆人生棄擲亦偶然拭君清淚毋深惜
與子且復嘯湖山人生能着幾兩屐

題袁子緒所寄畫竹卷

袁生寄我一卷竹無人無樹無村屋萬竿鳳尾上青
霄淙淙泚水鳴空谷卷後淋漓題者誰昆陵先生莊
太僕憶客昆陵十載前董生與我相周旋有泉園內
紅亭子窗前簷際紛琅玕我歸般陽種竹急五月長
林騰蔭室暑夾泚泉冬打霜來歲龍孫無一失年年
志壑雲梢放陽丘駢巨鬻相望焦馮二園直到江南此竹
無詞人載酒詢無恙今年習靜臥溪村老樹橫空風

撼門高墉夜閉松篁隔手持此卷度晨昏我友苦索
此卷去沉鶯未囀揚無絮不言此卷屬何人使我旁
皇失尋處

題王秋史二十四泉草堂圖

白雪樓傾北渚荒問山亭子烟蒼茫何人二十四泉
上氈毯高柳讀書堂泉上詞人號秋史攫然把卷爲
余起此圃舊屬殷文莊十年築屋來遷此濟南名士
去悠悠卜隣邊襲亦風流帶經松下鋤黃獨灌藥堦
前洗厠踰圃前活活青溪走圃內石麕無恙否時時
學士亭一巾車往往中丞履爲載酒王子翻然來志
壑校書夜火青藜閣來日平陵雪正繁歸時金杏花
初落歸去明湖紅樹村廣川依舊不窺園稍待秋堂
丹桂發旗亭畫壁又開樽

志登堂詩卷二

士

木石髮見過以長書幅投贈答以短歌

木子貽我書一紙揭之四壁空山裊蒼涼老樹野溪
長對面突兀峯巒起更展一幅持相詫依舊無人
有村舍房樞虧蔽萬岩中不知何代何王下君壽君詩
學孟津尺山尺樹剝龍鱗曾持一卷高司寇極口稱
君謝茂秦君祖曾築大梁城君祖親見安期生祇今
策蹇寒山道父子芭鞋蹶躄行寒山策蹇來相訪蒙
頭雪花大如掌有酒不醉踏雪歸持將詩畫誰矜賞

送衛爾錫方伯擢京兆北上

方伯夔帷將欲行濟南父老唱歌聲前詢父老歌何
許麗肩高杖爲余語指困前年飯餓夫至今餘粟還
春杵窮冬每散百千袴雪裏陽春聲滿路葵子墜田
病予醫幾樹青棠寧足數路傍句履盡圓冠又說如
公師道難談經奪席三千客較稅登壇五夜餐紛紛
巷陌黃金榜列祀諸祠新於饗共姜作賦一題門茅
容對食相矜賞我聞此語重嘆息回語父老知其一
天子南巡念汝曹分陝特爲山東出大臣作計重蒼生

否則橫襟傳士子薇垣日日對 天顏誰復寧知筓
庫耳於今銅虎清三輔朱幡曲蓋鶯花暮如公那得
忘驅歌金甌箸下還東顧送公北去我東歸携得金
荃示釣磯漫道卷衣天路遠曾經棹楔傲柴扉

志壑堂詩卷二

七

容德金甌傳士子薇垣日日對 天顏誰復寧知筓
庫耳於今銅虎清三輔朱幡曲蓋鶯花暮如公那得
忘驅歌金甌箸下還東顧送公北去我東歸携得金
荃示釣磯漫道卷衣天路遠曾經棹楔傲柴扉

五言律

淄川 唐夢賚

寄懷郝復陽侍御八首

賈傅昔垂淚，鬼方今不庭。雄藩初跋扈，主爵正調停。
已戰秦關勝，休辭鐵嶺行。巴山剪燭話，歸夜與誰聽。
愁絕盧龍塞，烏號不可攀。檻車辭帝闕，水窖識天
顏。有道金鷄赦，無家遼鶴還。敢同班定遠，生入玉門關。

寒雪渾如掌，春風拂凍枝。豈緣楊得意，自有魏無知。

謂環極戶侍

宣室臨軒日，淮南出陣時。鄴侯勞轉餉，決勝

志壑堂詩卷三

一

在龍墀

重集栖烏府，酬恩事若何。唐城溪與衍，雪浪石嵯峨。
諭蜀懷司馬，屯邊憶伏波。臯魚無限恨，掃墓一悲歌。
射虎南山下，曾同管幼安。兒前指泰岱，吉津先生自叙有此事
酒後說邯鄲。皂帽君門遠，星軺蜀道難。桑乾回首望，
莫負惠文冠。

梵志非前日，離群不記年。性從黃蘗悟，謂剝道得紫

陽傳瓊海文。偏勝夔門賦，更妍一樽酒。不易惠我人

關篇

侯霸癡猶故，公何似舊時。山窻容傲睨，林屋把深卮。

浮世驚遷在，行年過始知。幾從驢背上，細與說新詩。

武惠臨城病賢於十萬兵蕩平關廟筭疆域繫民生
轉對輪何日旬宣誥已行郝隆知大畧章奏滿樵耕

阮亭曰八首感激
頭挫語關飛動

蹉跎

五十年前事蹉跎道力微酒闌傷醉惡棋罷悔爭非
茅屋黃花岸清泉白石扉鯨鐘今夢破烏背夕陽飛

仰天寺

結遊山塢宿問路出林端嵐氣留晴若民風曬橋乾
清泉當戶瀉石磴入雲盤木杪真愁絕高潭回壑難
念東先生遊愚公谷余以事不果行有寄九首
昌國城東路棲遲久不過雨餘泉定出樹蔭烏當歌

志密堂詩卷三

二

賭酒飛觥勝分杼妙筭多登樓誰與共詩壁舊如何
曉起晨光內吟鞭旅思閒路分金嶺驛城對卧牛山
放雀呼籠至留童買藥還好從人散後來聽水潺湲
愚谷山如昨旗亭獵獵張輕風青布蓋細雨紫駟韁
王蠋家何在劉伶墓久荒山北一丘人
呼爲劉伶墓止愁聞暮笛
灑淚弔山陽謂謝啓東

到巔真廣大小苦爲塵紛陌上嘶驕馬墻邊卧醉人
林陰歸晚市廟址坐斜熏若下東山飲應逢謝右軍

謂言
公也

向不渡乾時陳風一過之綠荷浮似鏡青杏繫如棋
雀鼠聲無怨荏苒獄不疑此行豈寂寞康節好吟詩

畫城三畝宅聊可着羊裘何處濃陰合兼之曲澗幽
水春蘆荻荻岸山翠夕陽舟馬得來陶謝從公賦遠遊

阮亭日記
高季迪

形河衣帶水清不羨齊淵文仲臺前樹臧臺在邑城北夷吾
碣下泉前王圍浩蕩先哲宿留連直掛蒲帆去湖雲

唱采蓮

冰雹渾無賴左車謀大奇狂來少女樹威起大風祠
恐負看花約頻詢歸騎遲東隣爲報道紅藥已離披
已遣奚童去旋同銀鹿回相逢無別字俱道約啣杯
花事東隣好人從北海來數枝頻折贈芍藥定新開

讀史有感

志壑堂詩卷三 三

古今全壁少毀譽總難憑抗疏丁柔立陳書杜少陵
贊皇真有黨次律果無能卻悔前人錯啼噓每不勝
青史升沉事挑燈一笑生思之嘗爛熟衰至則驕盈
抱犢山中老負瓢畦上行雙柑酒又綠何似聽泥鶯
隣虛閣贈大淵和尚

佛閣臨峯泐蕭然倚太虛維摩此丈室大覺亦樓居
見相初非相認渠不是渠用洞山偈可知螺髻上何處量

吾廬

和趙伸符

志壑隣山路招尋不厭多案方陳二雅堂欲畧三過
燈檠庭花笑林深暮雀歌蒼頭空掃逕聊自飲無何

哭安復且少參七首

我來君亦去丘壑與江湖山下懷梁月江邊憶酒壚
輕舠愁蕙苾纖指採蘼蕪間濶猶如此何當嘆永徂
布帆南下日一枝海雲寒鍵戶兒曹苦高堂菽水安
此風殊不惡相見劇爲歡何與人間事貧猶健在難
山窻得意草一字亦西秦潘岳頭先自江淹夢已湮
大歸應作記小悔未修真慧業終將破儒冠須悞身
信道浮生幻亘如海市叅似應三島外好結五蓮菴
蝴蝶身難寤邯鄲夢易酣情知深夜語不記老生談
日觀扶桑路浮雲千里鄉廿年鷄黍約三過午橋莊
公自江右歸余問訊海上已
再會葬太夫人今哭公墓下自古誰爲壽同君盡此

志壑堂詩卷三

四

觴范張聊復爾生死一升堂

羊角哀先逝寧無戶外悲蕪諸孤若此後死責爲誰
鄭重青門道裴回綠野時勿論通德里大小總能辭
麻衣憔悴後久已毀吟囊亦祇無繁思寧緣廢樂章
胡然聞玉笛悄爾痛山陽始識琴張意當歌哭正長
青州道上和念東先生贈吉津先生韵

敢云隨二老五十已稱翁鞍馬林泉外晨昏笑語同
閒行幽興發高咏旅愁空俯仰牛山下茫茫問大風
謁范少伯祠二首

他年猶廟貌寧是五湖心保楯棲遲苦賜夷感慨深
將軍還白馬少伯豈黃金敢與西施載傳訛却至今

賜劍終何濟蕭然去有餘常懷松竹逕纔是藕花居
良友竒如故諸郎智已踈東門雙眼在何似老佃漁
阮亭曰二首老
筆似陳后山

冷仙祠次海木韵

畧識龜著意行藏豈問仙好從新羽葆猶見舊宮懸
畫壁方真絕如瓶守獨堅此時嘉遁處應在鬱羅天
再過慧山鄒秦二園同海木用汪蛟門韻

買棹指前峯溪派漱澗松抱來山影碧釀出石泉濃
率爾傳觴緩陶然隱几慵江南無此味春水綻溶溶
畧識園丁意端明豈愛錢溪山猶閉閣疏鑿待歸田
堂古留嘉樹門深決響泉南垣孫子好位置莫徒然

志壑堂詩卷三

五

鄒園門外泉可以作池
張南垣後人猶善爲山

一杖穿岩壑人間讓此閒危梁通竹塢瀑水咽松關
不止成三逕原無第二山茶經須再注抱甕與人還
錫山眺望處扶杖意低徊天際浮屠出雲根蘭若開
躡空盤碧漢證道揖黃梅蠟屐平生事探竒第幾回

余三過慧泉
未一至錫山

阮亭選志壑堂詩卷之三

五言排律

淄川 唐夢賚

和海木登東塔

春波門外路塔影蘸晴湖白石橫橋偃黃金初地敷
巍峩開古殿翠輦擅名區連袂來徐庾浮踪雜釣屠
躡高盤磴險望遠曲闌紆天目山分越淞江水入吳
杳恩乾鵲喜舟楫老漁俱阡陌人難辨星辰帝可呼
秋林田舍曠夕照亂雲鋪雨暗荒渚風生獵獵蒲
百年一蠟屐異代此浮圖蓮社猶存否虎谿如故無
楚書藏閣峻漢守瘞墳孤鈴寂簷棲鵠碑留樹集烏
暇嘗臨水坐倦且倩人扶微醉稱詩伯行吟亦酒徒
逍遙九節杖蘊藉五經厨子勇先登矣吾衰寧免夫
遊心方浩漭古道未榛蕪回首餘情在重來問大愚

贈姚注若國博

往歲黃金市今秋采石亭新歡愁更別舊恨叙難聽
不輟臯魚泣空留尹喜經傳文誰結集遺事念書銘
何意自門棹相逢紅蓼汀棲遲千日醉笑傲五侯鯖
謝朓詩三復屈原酒獨醒虎丘重度曲鷁首暫揚舲
築室慚端木遙憐宿草青

七言律

淄川唐夢賚

登岱同祖珍禪師

落水蕭森出虎谿諸方喔噓聽荒鷄盤輿迥出雲霄
上拄杖平臨滄海西野濶玉牲尊五嶽天高風物擁
三齊此行情負櫻桃節紅樹芳厓烏亂啼

望裏天孫幾度過百年杖履一高歌龜蒙山湧朝三
觀萊柞泉飛灌九河金簡舊函埋蔓草翠華新路補
雲蘿茂陵見說初成賦望幸東來事若何

青帝巍峩有舊祠碧霞宮館颯靈旗經春簫鼓寒山

志壑堂詩卷四

一

動向晚旌幢落日低守道講臺雲漠漠少厓書院草
離離天門極目多惆悵濁酒徘徊欲暮時
三生支許約同登瓢笠雖閒尚讓僧削壁有松皆偃
蹇危峯何石不峻嶒携來白嶽無雙士親到銀宮第
幾層絕頂方知塵世遠一龕暢好伴南能

黃華洞題壁

何方幽磬出烟蘿下界鳴泉古木多已上罡風穿碧
落更臨星斗問銀河麻姑不爲方平集童女應從徐
福過指爪未能尋葬地先留醉墨占巖阿

宿普照蘭若贈死菴

死菴暢好居蒿里不唱人間碓露歌青社無如東嶽

好白雲何似北山多
新知看竹迷蕭寺
舊約聽泉過
薜蘿此地由來苛
政猛燒猪澆酒漫婆娑

泛錦秋湖

十載雲湖繫客思
秋風短棹尙嫌遲
東山小草終何濟
西塞桃花定幾時
種樹擬遮紅蓼岸
買歌新製竹枝詞
名香清磬無餘事
高枕蘭橈信所之

再老林泉計始成
誰能塵市了餘生
將營山水爲三窟
須護丹砂當五城
廬嶽爭如長白遠
瀟湘何似錦秋清
卜居應號黃冠子
拚與乾坤一葉輕

將弔王西樵吏部卽泛舟湖上小憇陽春館中

聞劉嶧嬸家梨園吹笛

時嶧嬸亦歿

志壑堂詩卷四

二

漁舟歌發蓼花時
策策西風掠鬢絲
跨鶴不聞高士駕
炙鷄動與故人辭
門開白嶽如懸畫
案拍紅牙且罷詩
對此莞然還一唱
諸公誰復起題詞

湖上紅衣搖落時
扁舟偶爾憶尊絲
等閒綠鏡窺人老
多少朱顏與世辭
南國銷香聊命酒
西山潑翠正催詩
歌兒莫漫吹長笛
入慢分明是楚詞

念東先生招飲官壩泛舟時呂奉陽使至三首

揮手浮雲號笠翁
扁舟移在葑山中
風物自經先輩異
溪光每與後生同
路窮林屋橫前浦
水轉峯陰落近叢
何處正來雙羽士
小槎疑泛斗牛宮

萬事今休問釣翁
生涯樵唱櫓聲中
嘗懷彭蠡石鐘

好畧與秦淮古渡同波。繖白鷗雙落，落溪清紅蓼。一叢叢深林隱見，何人屋。可是吳宮是楚宮。朱顏彈指一衰翁。回首晨鷄暮鼓中。世味似逢山客，換道心。但許酒人同。關情歲尾蛇臨壑。問偈堂頭鳥入叢。且喜純陽新有約。猶煩料理梵王宮。

小築傍王肩望先生故居

僻巷曾隣贅世翁。傳聞只在野花中。數遷藹室疑難定。新築蝸廬制欲同。小闢方塘六七尺。旋栽修竹兩三叢。爐香清磬闌干外。笑似黃冠斗姥宮。

阮亭日章法好。所謂清空一氣如話。

邑志成有感

志壑堂詩卷四

三

從來四十已稱翁。短鬢蕭騷綠鏡中。舊友淒涼猶我在。古人檢點與誰同。驚心白骨宜高卧。過眼黃花耐晚叢。碧海石龕留舊室。微名何必祀豐宮。

浩歌中夜廢晨餐。入世何如出世難。萬事祇今惟瓦注。百年何物讓金丹。伯淳見獵心猶在。迦葉聞琴舞又歡。試看鶴歸華表後。秋風秋草逼人寒。

阮亭曰。見道之語。痛快淋漓。

候仙園銷夏

習靜閒圍入夏時。長林支枕正相宜。酒因試藥開封早。棋爲侵邊落子遲。肘後禁方傳海藏。囊中丹訣授仙師。園丁雨歇欣然報。水漲南溪已滿陂。

格物儒家見每遲。光明寂照那能私。風前蟬奏同心
調。雨後蛙鳴得意詩。白鳥橫空烟樹裏。青山撲翠
陽時。行歌洛水當年事。造化囉囉問小兒。
直下無私亦大奇。入門端以信爲師。鏡臺勤拭時何
盡。窠臼掀翻事已遲。豈是不真原未死。浪云曾悟早
成迷。等閒勘破偷心在。白骨青山漫自疑。

范文正公書堂和祖珍禪師韻二首

故園十載願多違。丘壑當歸只不歸。備雨杖添青箬
笠。凌風囊括綠荷衣。化爲蝴蝶身猶累。誤入邯鄲夢
亦非。放展千峯雙眼豁。新晴何岫不巍巍。

麋鹿逢迎禮法疎。尋幽孤往罷躊躇。柴桑村裏來同

志壑堂詩卷四

四

社彌勒龕中賦。卜居密樹丹崖深。障暑鳴泉屋角遠。
通厨白雲飛去。山光翠瀑布閒看。挂雨餘

書堂留別

朝辭流水下遙岑。回首烟蘿路已深。削壁巍如高士
立。寒潭清見道人心。到來一示青蓮偈。歸去聊爲白
社吟。欲迓法幢宣妙諦。菊花兩鬢與誰簪。

黃花山寺

閒來自嶽足幽尋。路入黃花寺更深。灌木章章圍綠
圃。石泉瀼瀼破烟林。野餐麥飯僧能具。客坐椰冠懶
不簪。稍待祇園金地携。琴一聽水龍吟。

典來萬里便巾車，蠅繖纏詎有涯。三竺鐵鞋催暮鼓，六朝蘭棹聽寒鴉。閒身翻喜徵輪早，鄉事微嫌絮酒奢。高唱驪歌堪一笑，鶴亭迢遞爲梅花。

載酒堂卽事

柳塘經過鳥先知，枕簟頻隨去每遲。嵐氣曉侵叢嶺出，夕陽樹壓女牆低。草堂近郭宜呼酒，水國深林待奕棋。常造鹿門無主客，花開更不費招攜。

祈雨茶話

荷笠先傳樵客知，蝸居如甌出休遲。城陰黃鳥穿林早，驢背青帘過市低。偶爾清齋堪喫雨，無端高詠憶圍棋。只愁十日滂霖苦，雙螭朋尊欲自攜。

志壑堂詩卷四

五

阮亭曰：好句可書團扇。

臘日宿山村將過友人未果

荒鷄三唱日高眠，負郭人家好時田。納稅勞如精衛海，會喪勤似善財禪。詩教胥史文無害，酒恐賓朋數不鮮。驟雨殘冬風景異，燒燈轉轂又新年。

與念東先生宿村墅

畏天克己是吾師，王翰東隣舊鳳池。細草如茵携杖日，棠花有識鎖園時。鼎鐘不願頻沽酒，蜀洛無關偶奕棋。曳履歸來松徑晚，五更擁被卧吟詩。

感興

高明且住淚如河，浪靜風平看釣蓑。奕罷只愁鬢鬢

改哭殘盡覺鬪體多終聞漢寢流金盃豈有平泉守
舊柯一自杞人愁欲絕不周山更鬱嵯峨

阮亭日得
義山之神

驢駝轎二首

少年裘帶喜揚揚巨浪長風未可量一自少游乘下
澤不教伯樂顧飛黃雲帆烏榜愁江國珠服人車憶
夏王如此卧遊良不惡杖藜緩步更相羊
塵尾轆車別有緣高軒峩舸總徒然人雖四壁圖書
在法但三章枕簟全垂下風簾行繭室拋殘烟棹曠
梭船驢肩一樣吟鞭苦如煞山谿跂足眠

丙辰端陽後二日喜雨二首

志壑堂詩卷四

六

播種誰聞天亦知請看靈雨麥秋時麥雖爛賤猶宜
麩雨後清涼正可棋伯仲竹梢催過檻參差荷葉報
平池漫愁粟死難完稅種豆山村事未遲

十日芙蓉計必開或應載酒有人來超宗笋更生麟
子得道花能結聖胎雨尚披簑臨小逕晴當賭奕上
高臺端陽已見花多葉珍重蓮池及早栽

季夏雜吟五首

九重珥食此何時罷酒閒人尙奕棋藝黍田家終歲
樂種桃道士隔年癡琴中迦葉消前業日下吳蒙竄
舊詩掩卷楞嚴穿小逕豆蔻紅紫上踈籬

雨餘暑過廢晨興布幔絺衣獨曲肱添稅傾家慚卜

式懸錢計日愧何曾飲醇近婦毫無味譚劍遊仙百
不能案上蠹魚梁上燕勿煩剪髮已如僧

蘸筆清池洗硯田笑辭磨蝎已無緣桐陰棲鳳三珠
樹蕉葉回鸞十錦箋文任虞卿貧更拙書非草聖老
能顛皮毛脫落微聞道不向嚴平更問天

竹陰雨後長莓苔長夏松關亦快哉青史可憐西向
笑黃金難買北風來勞人無望神仙窟褻父生辭肯
酒杯萬寶告成吾事足休嗔租吏打門催

阮亭日亦
典亦傳

月明鐘鼓報更殘雨霽蓬窻起夜寒蚊效蚩尤風破
陣樹開蘭若鳥安單天街初轉跣趺坐銀渚頻移伏

志壑堂詩卷四

七

枕看濁世未能拔宅去浩然香露誦荷蘭

六日雨

齋罷濃雲壓午天銀河更欲散鳴泉客來作黍停車
轍輿到觀濤躍馬鞭綠逕苔催鋪地錦紅籬風發轉
枝蓮長竿犢鼻晴陽後聊免人嘲邊孝先

月來

負手高臺玩列星月來林影下空庭髮如老鶴翎先
白山似紉螺髻獨青了不異人出世法未能免俗衛
生經形神俱妙渾閒話幾見紅塵過百齡

過念東先生東池荷花開有百枝視小齋盆沼

數如矣有賦

布蓋青騾漫出遊幾時不過百花洲三千翠黛臨歌
浦十二朱簾捲畫樓別苑祇堪紅勒帛小巫莫唱錦
纏頭采菱舟說江湖濶笑夜郎王氣已收

傅家灣上將爲菟裘老焉

感嘆吾生本有涯誰能築塢便爲家亭堂滯不容千
馬酌酒寒難醉九霞上塚哀猿三峽淚守園棠棣五
侯花何人葬我林泉好莫信青烏龍虎砂

阮亭曰非南華非楞嚴非蒿里非
薤露筆端拉雜讀之歌哭不得

浴

安得清流過此生芥亭綠樹小船橫祇將沐浴銷朱
夏惟有酣眠當赤城坐見蓮池三婦艷忽聞蚊陣一

志壑堂詩卷四

八

軍驚明年結屋償痴願定與閒鷗歃血盟

再疊前曾字韵

鯨鐘驚夢攬衣興世路誰堪再折肱大澤誤還憐父
老平泉痴不囑孫曾樽傾北海吾何與老補東隅病
未能鐵鑄九州真一錯毘尼穩付在家僧

雨

急雨連朝百慮清虛廊屐齒試經行寒窻竹亞檀欒
影僻巷門無剝啄聲暑似鷄竿初放赦人同鳩婦欲
呼晴却嫌芳草閒情思一夜池塘太怒生

阮亭日結
句神到

贈王東亭進士

已輕圭組更何思
夏初逢雨鬢時較
竹分矜圓幾寸賞
花細數放多枝
輪租以外無難事
學道于今重鍊師
好祝吟鞭休徑去
但承杖屨是良期

同東亭至念東先生荷池上再用前韻

浮名爛熟百回思
莫負花明酒醖時
茆屋枕宜支北牖
薰風荷正發南枝
仲初詞賦推詩伯
謝傳蕭閒號奕師
惟有酣眠陳處士
上清奉詔亦如期

愁思

放懷未穩更愁思
最是糧添穀賤時
精衛原癡寧避海
鷓鴣奈小慮無枝
牢盆失計傷鹽策
矻禾何緣得導師
歲歲田租欣早畢
來春多恐悞徵期

志壑堂詩卷四

九

爲弟涼武置一莊
私計買牛積穀而後歸之
從去秋納糧種麥添牛未損及莊中
絲粒而穀日賤賦日增矣
繕冊付弟詩以志之

買莊曾記小山成
種麥輪租莫汝輕
半載持籌爲鬼笑
一生執拗與天爭
經秋空許添黃犢
廢圃猶開走赤甦
君物早還君自主
不妨挂角更春耕

時余小山初成卽以

莊山名之

遊心

鷹隼高飛動客思
倭絲不敵曉寒時
蓮衣搖落懷菽米
香板敲殘憶荔枝
范蠡才堪司酤市
邵平命合老園師
久閒蠟屐遊心起
禁旅新傳奏凱期

念東先生東池見招有作

疏傳歸來酒政寬黃金日日買清歡平泉不作兒孫
計世界原如缺陷看固有鏡湖歸賀監曾聞微雨過
蘇端敢云二老同時晚來往風流後正難

阮亭日聲
情俱妙

觀禾

牛蓑浩唱晚雲橫漸學觀心事事輕已覺冒衰妨飲
酒尙因餉急費謀生綺巾婦向松風飯翠岫人連細
雨耕可笑殘書還挂角荆川老去浪談兵

阮亭曰美
言可市

水紅花

志壑堂詩卷四

十

閒窻除草太劬勞蘭芷猶懷賦楚騷雨後池塘增浩
蕩客來杖屨沒蓬蒿聽松預祝千年壽對菊惟添九
日豪何似水紅花爛熳一秋勢與竹爭高

七夕至望無日不雨

積雨連朝損稼禾夜闌弗屋泄清波人間晝棟看生
茵江上樓船定洗戈幾處乾封瞻白帝數時決口塞
黃河天闡仁愛真難問好祝晴鳩子細歌

時關中大
旱黃河口
決

贈韓有聲

杖屨相從十載餘扣門此日宿村居古今已讓陶彭
澤勝敗休論李左車五柳重栽綠砌菊百城獨擁蒲

床書年來閩海猶多事抱膝閒吟閉草廬

種樹

十年知命悟窮通悔不逃各種樹翁阿壽池真君子
國有巢氏乃大王風千頭橘柚圍新墾十畝芙蓉守
舊豐腰斧灌園林下事枳黃棠白野椒紅

輓韓崇安有聲

菊日桃亭
兩置酒

崇安踪跡暫歸家感嘆浮生信有涯幾日盤桓籬下
酒數時離別雨前茶新亭不作長生殿桃樹真爲短
命花此去雙鳧何處好仙山香火武夷槎

阮亭曰却似
中郎佳處

買驢駝轎

志壑堂詩卷四

十一

竹兜穀幾費行糧欸段誰能老此鄉塞上健兒偏走
馬江間漁父但鳴榔雙輪車碍聽泉路五兩鞋穿說
法堂惟有卧輿眠最穩驢肩來往挂奚囊

阮亭曰入手便成妙諦
似麻姑一粒丹砂也

過晉石兄幔坡小飲

高厓密樹覆長河幽事山人不在多幾載香林爭結
果一時綠逕盡垂蘿匡牀置枕朝山卧石几題詩挂
笠歌况有青帘遮去路逢君不飲更如何

秋

時序關心景物遷空齋雨歇更蕭然流螢明滅疎桐
外促織淒清洞閣邊紈扇委難留故物桃笙本意得

高眠世間百事同流轉夏葛冬裘付與天

艾長人司寇先生挽詩三首

丙辰七夕前二日歿

生平慣賦墓門詩觸熱多緣無好辭舊是故人宜痛
哭身爲逐客尙沾願白榆墮地天難問烏鵲迎神世
不知莫信仙人多妄語橋邊賺煞帝王師

十年煨芋事如何畢竟名山志易訛黃閣掉頭終寂
寞青鞋撒手太蹉跎歐陽鞠獄心如在伯道憑天恨
獨多政府別來無隻字臨風聞笛一悲歌

阮亭曰領聯
真林喝矣

乾坤逆旅漫悲傷直作遊仙去不妨歲在辰龍呼起
起死如擒虎亦堂堂孔融尙有平原相黃憲宜臨太

志壑堂詩卷四

十一

尉喪屈指鳳池前輩少可能披髮下山陽

苗家窩至郝家莊諸泉二首

雨餘度壑聽潺湲一夏山城近掩關澗樹經秋浮岸
長鳴泉出谷灌畦還匡廬三疊石坪下明聖諸峯天
竺閒久矣菟裘占此地便來銷夏亦銀灣
溪村霧霧大林開特爲聽泉騎馬來瀑布移時停杖
屨石龕隨意卧莓苔書生意氣逢多慨漁父聰明見
每猜須信山人幽興發偶然去住擬丹臺

感賦

皮毛脫落見吾真快意從來屬禍因誰道元城推鐵
漢祇宜敬叔祀金人嶮巖卻得康莊路冰雪翻爲浩

蕩春阮籍無端窮便哭一生坎壈荷天仁

讀史有感

茫茫世事鐵山圍紫闥清泉計孰非殿上笑談關性命樽前媚態怨宮闈天寒旅雁飛常急漏盡蓮燈浩不歸典發還思牽獵犬幾回肯老釣魚磯

曉起二首

年去愁非笑亦非悠悠持此欲安歸老思霞舉惟仙授壯志澄清與世違伏櫪馬嘶青陌懶下鞞鷹倦赤霄飛人間剩有長春訣忍負清泉白石磯

田家老屋結烟蘿坐便啣盃行便歌樵父逢人無冷煖瓦盆釀酒似淮河金階罷相知交少油幕從軍感

志壑堂詩卷四

三

慨多借問紅塵車馬客回看巖穴較如何

小臺築屋念東先生額曰洞閣和張歷友

豹舄鎮日不開關高閣危欄與共攀雅樂奏宜臨夾谷酒杯寬可對豐山麥當播種千倉罄農入秋成百務閒憂樂無聞長白近憑將壘粥駐朱顏

觀奕時鄉隣有闔者

由來知足近神仙剝啄何緣破晝眠蝸角蠻爭聲動地蟻封虎鬪血滔天樹陰不厭韓持國聊矢頰煩魯仲連除卻休心無別法逢人一味老婆禪

訪先輩習靜山中

人間歌笑日紛紛到處山分一笠雲爭怪嬾娟開後

閣生憐將相起高墳鼎中藥熟身長泰物外仙多世
不聞笙鶴倚臨休徑別我來瓢袖欲隨君

山王莊道中和念東先生時重陽前一日三首

野廟秋風鎮水涯前車又復過山家驚看岸斷真千
尺不信詩成便八叉磴道轉時山與衍泉流深處水
橫斜祇宜拄杖從容去處處開樽對菊花

青山疊疊水湯湯僑寓山家醉不妨自是采真逢阮
肇却因垂釣識巖光無煩主婦雙尊酒但借隣翁四
腳床曉坐九霄雲霧盡可知天意爲重陽

暫放蒲團臥水涯欲投宿處問人家千巖瀑布琴三
疊百衲雲山畫一叉茆舍不驚漁父過吟鞭細數雁

志壑堂詩卷四

古

行斜預愁明日芳樽晚此夕先簪兩鬢花

途中聞孫樹百給諫至

十年作賦憶長楊瑣闥新街出建章殿上論時追董
賈囊中啓事問豺狼吟鞭落照孤鴻外市酒晴雲古
驛傍回首江鄉青雀舫故園明日恰重陽

秋行偶興

閒菱莫遣素心違豈易清時靜掩扉禽尙偏無婚嫁
累杜陵全借諫章歸謀生拙任塵緣薄遞世堅因學
力微白石潭深紅蓼老呼童淨掃釣魚磯

重陽後韓燕翼大叅邀遊回路峪四首

山深樵牧放歌喧細菊垂崖香正繁秋日蕭閒宜杖

履故人清興在琴樽
稚川福地仙皆集
正文名泉道
自尊短策西風時
失笑遊仙忙似謁金門
山爲范文正公讀書

處道書七十
二福地之一

久於副嶽失寒暄
到此依然霜樹繁
彌勒昔時容
榻柴桑經夏廢
清樽罡風直逼黃花老
妙藥難逢白

兔尊蕭寺崔嵬須再到
禪牀着句賭山門
余頻年在山習靜寺

僧戒律
至嚴

錦秋長白兩奇觀
對此襟懷每悵然
錦水有舟皆舴
舨
白山無地着吟鞭
已知別墅藏丘壑
定有幽人製
畫船
明歲結茆來副嶽
棹歌齊去採紅蓮

既亭日一氣迴
折老筆紛披

志壑堂詩卷四 五

醴泉畢竟藉明裡
寄語僧唵切莫嗔
入手池塘三峽
遠
開門霜樹一堂春
黃花寺古晴雲暖
綠柳巷深樵
舍隣
更上摩訶孤頂住
經行曠望豁禪人

登摩訶東峯

單椒久坐不聞笙
依舊從容策杖行
細草眠餘留兔
窟
懸厓墮處起雷鳴
長蘇典發先賓客
時念東先生
賈勇先登
古栗年深見弟兄
山中有張華東先
生古栗老友石碣
此後登臨添故
事
輓轡奇計縵陰平

回路峪留別韓燕翼鮑夏生諸公

秋亭回望綠雲圍
紅樹驚看一葉飛
得句嘗愁樵牧
走射生
且放兔狐肥
車中黛色行還住
枕上泉聲夢

不違留語諸公當奕戰斧柯未爛慎無歸

小春掃先墓見有携祭具醉卧道傍者二首

處處青山哭白楊人間啼笑揔茫茫愁來霜露清齋
減話到興亡痛飲長前歲鶯兒遷別樹舊家燕子換
空梁九泉一滴真難問祭畢何妨醉道旁

阮亭曰惟
喚奈何

黃葉西風野哭喧紛紛祭榼過山村兒童膜拜承荒
草婦女焚香掃墓門碑版麗牲霜後淚紙錢延燒暮
來昏茫茫天地渾如此感嘆歸來盡一樽

窮秦獄以北諸山

巾車日日賦閑遊縮地乾坤小十洲竹杖高懸新蠟

志壑堂詩卷四

六

屐鷄聲起舞舊羊裘橫穿歎背無全險細踏萊泉失
剩流縱未倚帆星宿海鵬風差不負清秋

阮亭曰如讀南
華第一篇也

巖下山莊和念東先生三首

桃花流水杳難逢誰信仙源在此中種竹千竿各士
意栽桑百樹古人風題詩不到催租吏入定休愁報
曉鐘好借一丸封斷谷結廬常住兩三峯

清泉悔別恨如何畢竟誅茆得計多是岫巖巖皆列
闕無溪濺灑不鳴珂谷深露下猶黃葉山暖春前已
綠波水自有情迎送客南流豈盡爲漕河

向平五嶽着先鞭有美西南選勝緣棋局多時愁換

世芒鞋盡日不逢仙人穿樹下從天下馬轉山前度
水前歸到茆齋清夢穩籩籩猶在碧雲邊

贈石震青術士

相逢此日復奚疑五十行年命可知磨蝎入宮生已
註計都何法禳能移屈平絮絮爲天問李廣囂囂怨
數音握粟常愁唐舉笑或應蔡澤亦庸兒

龍山驛題壁

開遍荷錢謝盡花清明節後筭年華菜畦剪剪翻蝴蝶
蝶麥隴油油沒老鴉福地如齊今莫並歲星在國古
無譁太平更祝銷兵甲喜詔先傳賦不加

阮亭曰
三四妙

志壑堂詩卷四

七

阮亭選志壑堂詩卷之五

七言律

淄川 唐夢賚

載酒堂題壁二首

不成籬落但栽花，茅屋三楹枕水涯。
柳浪館中摩詰畫，虎丘亭下慧泉茶。
溪山作主來爲客，樵牧同遊孰是家。
天地吾廬無住着，蕭然西竺見蓮華。
鎮日陰陰水滿塘，頽垣盡處接天光。
樹根宜繫船三尺，崖際還添柳幾行。
闔奕真成安石壑，看花不讓午橋莊。
頽來卻怪般陽路，飛落金牛湖一方。

再和前韻二首

志壑堂詩卷五

旂開淨土種蓮花，穩泛鐵舟香水涯。
有佛肯容陶令飲，無經曾註趙州茶。
早投白社來青社，禿當漁家與酒家。
木槿從今休便種，不堪夕隕更朝華。
麴車載道炫生花，水厄閒愁未有涯。
桑落香於三白酒，松蘿苦讓六安茶。
觀心白骨初爲學，埋瓜青山暫作家。
六逸不知沉醉後，幾人解轉妙蓮華。

漫興再用前韻六首

秋半庭餘三兩花，金風獵獵響天涯。
留冬青樹防栽菊，服地黃湯切忌茶。
一卷楞伽開士院，十分林麓野人家。
英雄自昔多痴話，豈必金吾娶麗華。

阮亭日

結妙

草深黃犢沒林塘鑿壁初時把未光一自青衿來殿
閣敢持白簡議班行藏身梅市原名福倚釣桐江舊
姓莊早歲不知更事少老年始解笑剛方

弱冠曾看上苑花崩緜一劍客天涯校書秘閣行頒
札燕喜宮筵坐賜茶敢學抽簪驕謝事生憐索米夢
還家故園十畝渾無恙回首承明澹物華

憶昔燕南水滿塘翩翩樽榼醉秋光三英館閣追前
輩萬壽宮牆綴末行豈謂階前諸玉樹翻成陸氏一
荒莊晨星搖落知誰在慚愧猶餘唐子方

邗溝向日弔瓊花明月紅橋泊水涯載酒平山堂看
竹題詩芍藥院沽茶巾瓶一半投僧社寶瑟三分住

志壑堂詩卷五

二

俠家誰道維揚兵燹後錦帆自古擅繁華

錦秋百頃藕花塘曾此方舟沂月光耀畫溪山旋入
詠歎斜醉墨不成行張燈夜過扳醫社伐鼓頻驚宿
鷺莊常見水鷹船放食長竿學得捕魚方

憶舊再用前韻

寒槩彭湖打浪花石鐘湖口問津涯雨中樟鏡千頭
橋圍裏春浮百樹茶長荻人驚聞虎處小舟夜繫飯
牛家翠岩快閣方居士回首十讀如謀平聲年感鬢華謂無

可大士與蕭孟昉園林

江南親見荔奴花種稻畦村半渚涯玉版初參禪悅
奔旗槍乍試緝封禁綸竿擬住魚兒港盞飯常分秘

子家自鷺山前真不惡何人塵土夢東華

廬山瀑布散蓮塘細雨微雲逗日光白鹿洞開泉幾
疊黃崖風斷玉千行僧容似陣臨堂鉢竹色如椽近

寺莊三代威儀真在是至今斗笠憶諸方

三疊泉由白鹿洞金

竹坪上卽是黃崖瀑布四十丈有太白海風吹不斷詩

漫興再用前韻九首

林下鋤禾復種花結茅巖際與湖涯年衰莫倚陰陽
酒胃濕平拋龍鳳茶白日已沉還問世青山何在更
謀家道人早證無生恐不轉風輪轉法華

敢道人開智慧花閒情倒峽本無涯愁看竹葉純傷

酒夢聽松風誤煮茶不速寒蛩公入砌無辭社燕浪

志壑堂詩卷五

三

還家斷腸草損秋棠價直作堂前萼綠華

溪邊築塢擬藏花溪外秋濤尚泊涯邀客聽泉兼看

竹乞人賭聖再留茶華門鎖鑰長逃世高閣蒲團小

出家十丈軟塵休入夢早時慚愧已清華

金烏不住怨飛花轉轂流光未有涯眼底霜蠖嘗歲

酒隔時櫻笋薦芽茶鶯兒出水還啼雨燕子回巢更

憶家弱草輕塵浮世事法王一笑墜空華

邁邁蛺蝶下探花雙羽踰躡掠水涯大似漆園人伏

枕來催紅蓼岸烹茶哥密對竹添三友老圃當門作

兩家寄語東籬呼錦翅勤翻香夢繞霜華

三生夢破笑拈花短梗何堪泛海涯世味酸涼知市

酒詩才蔬笋似僧茶難吃不忝真男子羅什何緣累
室家回首浮雲無一可禪天高會憶龍華

掃跡江湖瀟石塘茅簷竹樹亂燈光炙笙玉笋調鸞
語移柱銀箏促鴈行晴日翻書臨洞壑暇時釀酒過
山莊太平齒髮千年健枉與懸弧志四方

山下橫橋歷半塘山腰野菊爛秋光草蟲播鼓搖三
弄雲鴈張芝篆幾行一帶白茅巖結屋數攢黃葉樹
園莊此間定有真仙住好扣丹臺乞効方

過豹山

青錢不惜買陂塘來與隣翁負日光汲冢伏文商缺
字洛神舊刻榻殘行齒衰莫廢遊山屐裘敝原存負
郭莊莫是患貧無善策旌陽好賜點金方

遊青雲寺

志壑堂詩卷五

四

年來不唱飯牛歌曝背招提意若何蠟屐青山勞夢
久支頤碧樹看雲多爲聽梵唄留僧榻遠探鳴泉問
牧蓑明日不知千嶂裏寒流幾道掛烟蘿

有感

也知塵海三生幻一日浮生且看花脫殼哀蟬寧離
樹回巢春燕更爲家金環自不辭羊祜敝帽何曾戀
孟嘉便使花開蓮世界藕絲青苒正無涯

九日登長白山二首

榻來蒿里物皆齊倚瑟何如此杖藜桃菊誰家還棘
矢仆碑昨日又沙堤花開錦樹鶯聲亂霜落寒蕪屬

影低痛喝忽驚前世夢石龕海外憶丹梯

孝先

招提脫粟暫來同有限生涯梵唄中牛背驚人三世
笛馬當誤客一帆風竹爐酒沸黃花老藜杖斜陽青
史空不信長連牀上看鐘聲出定海天紅

和趙古言

又贈徐東癡隱君

躋勝猶如年少時漫留餘勇讓東癡三山風憶仙舟
近五嶽遊應旅鴈知霜樹章章皆菊圃樵歌兩兩是
陶詩禪林擬向壺公問良日何勞坐奕棋

貧

讀殘貨殖傳何云四壁呼噉酒半醺磨鏡業憐居士
賤織簾心許道人勤鶴謀肉食羞凡鳥竹灌腥流汚

志壑堂詩卷五

五

此君寄語空生應辟穀巖花豈有粟紛紛

董玉文招飲留宿有懷繡章同年

杖藜蕭寺破苔痕握手髮如兄弟昆老大逢迎添感
慨深秋簾幕共清尊舊交開徑從羊仲古道登牀訪
鹿門借向廣川夫子問年來正誼與誰論

隣圃頌過

解學尊生奈老何晚餐腹得百回摩籬花畦菜秋原
靜樹杪樓頭山翠多賣飯兒郎同巷出賽神鼓吹隔
牆過避人早已如逃債路上寧逢醉尉呵

送劉鍾宛學士祭告歸里

殷禮彙神翊帝圖侍臣啣命試雙鳧三台玉版題

丹篆六節警文護赤符傳檄方壺移海市燔柴日觀
聽嵩呼錦衣舊識新豐道一笑黃冠乞鑑湖

西江印事

連朝寒雨沒龍沙晴日江城閱物華
橐長廊交屐齒鱗鱗虛閣敞簷牙
圖書新購如佳士椀篋閒敲似
故家白酒鯁魚非不醉遊人久矣念歸槎

禪寺口號

瞿曇老子破袈裟傳去傳來爛若麻
布衲七斤將過歲板狀四脚漸成家
安單人似投林鳥下水船如趁壑
蛇冬制不知爲夏制法華拈着當南華

阮亭日辯
才無礙

志壑堂詩卷五

六

南昌送孫卧雲歸里兼訊安復旦

九仙石室題松處廬嶽諸峯得似無
東武黃花猶未晚西江白酒可曾沽
路從淮海分三島人掛秋帆尙五湖
倘遇安期勞借問如何經歲少來書

寄懷張子礎同館

策杖寒原有所思廿年如夢玉堂時
黃金誤世砂難就白雪欺人鏡有絲
宴坐三關荒晚課結遊五嶽負前期
何妨把臂赤松子來扣柴門共一卮

宿廬山開先寺看黃岩瀑布

五老峯前三疊泉十年誤信是開先
卧龍未得窺金竺白鹿誰能下玉川
荒寺鼓鐘存晚課虛堂風雨足

宵眠五噫舊事歌原錯瀑布香爐總浪傳

無棣歸畢載積州守以朱魚見餽詩以報之向
以巢雲阿圖卷索其芭蕉因并及

小菴痴望綠雲涼豈爲貪饒損墨莊憑去裝潢添鄴
架斷成灑掃卧匡牀按圖客自餘松竹題葉僧原代
縹緗寧有秦城曾負約夜來先報贈魚殃

賀念東先生得仲孫

時清恙方起

喜報啼聲起晝眠多應索杖碧梧前安排伐鼓爲湯
餅檢黥醪金置酒錢小字定宜呼病已官名預卜伴
翁傳雙珠卻詫添奇事降日同兄但隔年

過王冰壺少宰墓

志壑堂詩卷五

七

墓門遙望鬱蒼蒼磨鏡曾來薦一觴雲壓浮圖松影
綠城臨翁仲豆花黃緜山有恨吹笙別湘浦難聞怨
瑟長正則不勞頰致問玉樓筆札似人忙

鄒平道上二首

祇合籃輿入翠微蹉跎浮世尙依違不材早歲偏通
籍善病高齋正掩扉花塢管絃聽似水禪關杖屨至
如歸六州鐵鑄難云錯四十餘年事事非

阮亭日五六
不減程孟陽

尙平逸興亦良難好事群魔有百端老至巾車鴉鬢
短計成蠟屐蒯緜寒三湘綠向窻中出五嶽圖來屋
裏看乞得神仙飛杖法雲山鄴架路漫漫

送王阮亭北上

時西樵已歿

二陸翩然昔入洛，士龍今日獨登車。梁園詞賦推司馬，漢相勳名重積儲。粉署爐香添畫戟，錦秋落日怨樵漁。不堪握別還惆悵，蔬食三年病倚廬。

中秋放魚濟上

峭湖十里漾清波，林麓堪憐網罟多。綺席有人驕玉脰，錦鱗何計夢銀河。蓼花灘上驚香餌，阿耨池邊誦佛陀。莫道釜鬻無造化，請君回看壁間梭。

濟上留別朱野岩

湖上紅衣搖落時，閒亭竹樹倚芳卮。青門射策人皆老，碧嶽尋真事已遲。別岸蒹葭留晚照，前溪簫管動離思。陽關入破聲聲慢，知共琴樽更有期。

志寧堂詩卷五

八

勞山看海市補賦

望日天涯碧玉隈，番轅嶺下化城開。五雲縹緲芙蓉島，百雉崔嵬烟火臺。人物安期應共住，市廛徐福舊同來。麗譙乍捲青巒出，指點諸峯首重回。

山塘初成和念東先生見贈詩

山國焉能水竹全，滄洲夢到亦蕭然。三秋湖口烟浮樹，一葉湘雲浪拍天。山就茂林遮屋角，水添漁舫繫窻前。後來興廢偏能料，梓澤丘墟與並傳。

世間缺陷亦周全，山郭渾如澤國然。志壑惟容青簪笠，酒堂穩號綠雲天。千層波浪飛林杪，十畝芙蓉盪

席前寄到詩瓢堪勒石蘭亭或借右軍傳

擬登岱

天門一徑屐痕斜屈指同遊憶孟嘉玉女霓裳金絡索道人漁鼓鐵琵琶霜林落葉聞清唳松雨寒泉醉茗花此去須成十日住蒲團香板宿山家

池荷初植七月中始見一花

銀塘花事已披離辛苦長鬚報一枝翠玉破留秋水照紅衣却負艷陽知蟬如鳴沸高林早菊尙排當老圃遲寄語花神須努力殷勤開過落梅時

送王汾濱西歸

一別鄉關路幾重誰云莽志有奇踪無端興與秋風

志壑堂詩卷五

九

起不盡雲如歸思濃賣藥無人知舊字觀心有意看前峯到門可向中條卧莫娶山妻懊惱儂

阮亭曰秋光多似宦情薄山色不如歸思濃三四似之結句調笑甚雅

卽事

焚香晏坐惜分陰勘破浮名罷苦吟榴摘繁花將結子烏嘗晚哺早投林誰能採藥留神佩且可聞欽證逢心未老壺山休自笑寒岩枯木亦難尋

遊仰天寺沿途遺物頗多戲作

遊裝潦倒稱人懷畧草儀同傳亦佳才盡洞中留夾袋途長山下棄芒鞋寒潭孤館巖陵寺磔廟秋風諸葛屋七簷已空樽組罄先生歸去罷清齋

八月二十三日夜雨

農家痴望隴頭雲一雨蕭蕭隔夜聞荆楚傳添江上
甲伊涼看罷殿前軍晚禾無望登三鬴秋麥猶堪種
十分更喜重陽消息近早開黃菊對斜曛

偶感有作

慚愧龍泉夜夜鳴人間鯨浪可憐生青山暢好詢無
恙流水何能話不平搗鼓謬思春夢破寒蟬絮與怒
塘爭漁竿清磬年來事噫病從教廢鼎烹

聞禁馬

棧豆年來耗積儲五花爭許困鹽車騰驥定可供鞭

志壑堂詩卷五

十

策欵段終愁欲廢除海上笠簑原牧豕山中風雪正
騎驢青牛更屬神仙物掛角悠然讀道書

阮亭曰絕妙好辭勝唐人
之短轡長鞭滿九衢矣

過東隣看芍藥四首

小巷柴門晝不開菜畦常護養青苔更無問字蒼頭
至但有啣泥紫燕來愛酒得兵如故友題詩已醉任
空杯千金欲葬名花塚柳絮狂飛亦築臺

剝啄頻詢開未開紅狼籍已蒼苔多情粉蝶晴能
至解事黃鸝晚不來典慶池思李暮筍玻瓈酒奉太
真杯詞人去後無知己掩袂迴歌銅雀臺

阮亭曰三四少陵句

法通篇風情胎

芍藥十平分九已開遲人拄杖點莓苔酒闌客去頻

題句花下年來數舉杯種竹無心勞客過池魚不乞

待秧來何妨與子如東老暇日西隣上小臺

維揚故事百枝開聞道名花剩碧苔林下美人誰共

語金衣公子尙遲來洛陽乍見姚黃本河朔宜傾袁

紹杯座上低垂猶有恨朝雲暮雨楚王臺

小齋偶成

負手閒階數笋芽短垣紅紫暈朝霞謝家群從翁孫

竹楊氏諸姨姊妹花闌蟻乍雷驚破陣分峰長日愛

排衙不知林下吟哦久俯仰詞人愧八叉

阮亭曰天
貞爛熳

阮亭曰天
貞爛熳

志壑堂詩卷五

西隣製棺犒工奉酒

何事丁丁伐木聲隔籬風送未分明酒酣擊鉢詩難

就興極呼盧采不成世上閒情銷盡閣老來心緒寄

佳城玉棺天降還應待濁醴牆頭奉一罍

阮亭曰題奇
詩雅稱之

傅彤臣侍御和雷笏山社燕詩題扇見寄依韻

奉答六首

春風春雨共招尋似向人間說斷金舊日閒巢雛已

占新年太歲戶宜陰敬瑜詩賦同林鳥合德椒房共

命禽寄語紅襟諸侶伴棲遲海樹尙何心

阮亭曰工
于白燕矣

竹塢松關逐隊尋何勞買賦枉千金脚泥花落春常
靜乳子簾垂晝日陰紫領相成占後報烏衣夢破悟
前禽何緣一卵流傳去遂啓商王問鼎心

舊屢凄凉一再尋草堂原不重黃金從來沐浴宜先
祀自解經營避太陰入賀同堂皆喜雀當晴化石亦
靈禽釵頭春勝懷中夢剪剪常勞少婦心

斗酒芝山夢可尋黃梅雨歇樹頭金交飛鴻雁回沙
浦並坐黃鸝話社陰零露乍歸遺玉壘雲車初下會
仙禽劉郎已去春風老莫動詩人感慨心

危樓盼盼鎖千尋詩憶香山字字金細柳池塘音上
下釀花天氣舞晴陰縱歸海嶠仍傳舍不繞長林伍

衆禽一自有巢人去後茅簷畫棟總無心

志壘堂詩卷五

五

阮亭曰三四工麗
不必言妙得性情

孌孌婷婷掌上尋嫣紅一捻步搖金高樓春色簾櫳
暮小院輕風竹樹陰禮近慈鴉爲孝鳥巧如鸚鵡號
文禽銀塘細雨歸來曉門掩黃昏離別心

阮亭曰六首情思纏綿野蕩老杜輕燕
受風斜五字不爲少此數百言不爲多

百脉泉看荷花同念東先生四首

颯颯金風暑氣收漁村雖近未窮遊林巒勝地惟明
水荷芰連天似錦秋暇日不辭筇竹杖芳樽一上木
蘭舟行人莫唱江南好尚有殘花對白鷗

珠泉通海亦奇哉王屋虛傳濟水廻菱芡經秋盤錦

繡汝潮入夜嘯雲雷人愁朱夏同遊晚鷺雜紅蓮並
下猜借問長橋車馬客幾曾特爲看花來

簷帽單衫八月天竹兜水國意蕭然嘗憐澗壑無賓
主久約烟霞共往還黃稻風來花外寺青山雨歇樹
邊泉劍池孝水明湖館百脉名當第幾傳

淪茗憑欄一嘯呼人間驚見此泉無琅玕雨重臨僧
舍藹蒼晴開照酒壚烏下掠波憐翡翠人來顧影鑑
眉鬚濟南金線差相似一樣清噴萬斛珠

丁巳中秋十七夜方有月夜起小飲和念東先

生三首

兩伯停鸞絳節回諸天油幕一時開河山留影水輪

志壑堂詩卷五

三

外丹桂飄香壁月來地上歡呼珠離海世間悵望蚌

舍胎十分秋色還人在携酒招呼上小臺

夜起披衣顧影寒芭蕉滴露響琅玕桐陰籍地瑠璃
界荷葉爲杯碧玉盤有客高眠真懶漫無人對酌更
清歡鷄聲再唱猶難寐揜醉從嘲日幾竿

舊詩裁罷夢初回行馬琅璫戶自開夜色蒼涼疑世
改河聲泐泐送秋來星精欲滴通仙字金水堪嘗立
聖胎舉似旁人聊作笑人間誰信有瑤臺

飲密頭莊勸公瑜種樹二首

魚藕池塘花竹居與公位置欲何如香來半頃風兼
雨雲覆千竿密復疎元自逢人應壓倒陶朱與我亦

乘除從今不避催租吏萬石輪君本緒餘
神仙不就。不封侯。閉戶聊爲八口謀。暇日自携筇竹
杖。清秋宜上採蓮舟。開樽人進千鍾酒。跌坐泉邊百
道流。欲問山翁門外事。楸枰正戰且休休。

志壑堂詩卷五

十四

阮亭選志壑堂詩卷之六

七言律

淄川 唐夢賚

丁巳重陽後將之金陵寄何第五同館

廿載鄉關悵索居
問君道氣徧樵漁
吳王苑裏秋蕪
老燕子磯頭古木
疎詞賦定知新律
好滑稽還似舊
時無酒闌見說江
山助親作磨厓斗
大書

寄徐寧菴同館

少年意氣下鞞鷹
梵唄而今就佛燈
五嶽巾瓶歸鶴
舫六朝歌吹起漁
罾回頭自笑初生
犢未死倘因三
拆肱江上丹砂知
熟否片帆早晚問
金陵

志壑堂詩卷六

和吉津先生過穆陵關

亂岫西風野菊斑
藍輿石磴有躋攀
不知攬勝遊方
始祇道登高客乍
還尙父鼓刀青社
土寄奴捲甲穆
陵關銷沉舊史如
流電大藥何人解
駐顏

阮亭曰俯仰甚
深格調尤老

白石斜陽照兩涯
穆陵關下水漣漪
秋蟲草樹爭鳴
日古驛黃花並轡
時北望營丘封自
固南流神禹力
難施重來勝地知
何日悔不清泉更
奕棋

蘇村曉發

百城烟水訪南能
孤館聯吟興不勝
闔奕多徧忘日
錄縱譚久欲廢
晨興松風丹竈隨
弘景菰米鱸魚問

季鷹何似金門同待漏鷄聲初唱夢呼燈
吹笙跨鶴百無能柳樾橫挑尙可勝不憚星裝妨
出須携雨具看雲興同行僕似隨陽鴈乍客人如脫
管鸞土銜短繫渾不寐聞鐘展卷又挑燈

途中和吉津先生二首

雨後冰纒出沐新曉行月闕色如銀相逢憔悴朱顏
者總是蹉跎白髮人橘柚誰家留玉樹籬花多分散
香塵漫愁湖上桃堤盡客到吳山正小春

園下昨報菊籬新黃鶴翎兼御帶銀抱甕不辭終歲
力上盆誰作看花人自憐蠟屐雲山色未免征衫陌
路塵舊架圖書初釀熟回頭惜別故園春

志壑堂詩卷六

二

阮亭曰天
真爛熳

九曲旅壁和傅彤臣侍御

天水蒼茫相與依長河南去欲安歸鳴榔鷁首供軍
食打鼓龍旗齋御衣砥柱何堪民力盡萊蕪尙恨
石泉微不知津送隣夫策廷議誰能較瘠肥

時河使
議協濟

修河
事

聞孫柳下郡丞訃音

使回縞服已驚愁悔不遲君汗漫遊魚素過江傳故
里虎丘對酒盡名流何緣白鶴千年怨不待黃花九
日秋丹旄便當南下好湧金門外是西州

歸鎮二首

藍縷長年與最能蒲帆風起峭難勝新愁夾口漂零
甚舊事江湖感慨與市僧生涯添翼虎災黎世業掠
魚鷹誰將歌舞高臺月分作流云破屋燈計於卯臣
廬之役過

淮今距十
五年矣

幾載河臣去若梭後來底績欲如何司農正苦銷金
甲水伯奚緣捲白波馬策可從霄漢度民田不敵鷺
鷺多語妙麻姑見淺清當近旅館孤樹一放歌

贈夏敬孚侍御同年

旅鐘敲破夢遺遺猶記逢君雁塔初鍊藥曾煩勾漏
令起疴舊抱越人書宣公章奏違烏府劉向編摩罷
石渠慚愧故人丹鼎熬三生烟棹訪茅廬

志壑堂詩卷六

三

阮亭日讀一結有
葛洪川畔之思

清揚店題壁

茅店三楹牆乍泥呼童濡墨恰無詩刺緜掛壁車來
晚襪被堆床客卧遲豈有安卑初結社依然沽酒共
圍棋清霜未落西風暖記取淮南九月時

金陵二首

浦城帆發曉雲沉此去溪山好共尋佛殿披緇宮監
相健兒走馬御街心來看賜葬勳臣廟一過安禪祇
樹林把酒鳳皇臺上望紅塵車騎正駸駸

花再孤舟客再來櫓聲啞鴈聲哀土仍吾土青帘
吹人是前人白髮催王謝舊家桃葉渡蕭梁世業雨

花臺請看六代興亡後湖打石頭城又同

阮亭曰又
一夢得也

西湖三首

開樽湖上弔鳴鏹此老生平諒獨知探討三茅將問
藥逢迎雙戟頻無詩霜柑入市偏經眼灰酒沾唇動
損脾吳越山川渾似昨葛洪澤畔牧牛兒

一笑江干杖屨輕十年好夢太勞生畫圖索駿西湖
志幕燕營巢南渡城客自蕭閒寧待鶴花當剪伐久
無鶯惟聞後舫笙歌發乍似飛來石有情

兩宋三唐休便休幽人泉石足風流水田補綴山僧
衲畫軸煙雲釣客舟鶴頂長成兒適種梅花開放錦

志壑堂詩卷六

四

纏頭此間惟有林和靖頗怪蘇娘共一丘

阮亭曰字字
酒脫有風趣

宿天竺

蠟屐空山便有情蘇堤况起馬蹄輕人乘宿願來初
地天許閒遊放曉晴九里松殘惟弔古三生石在莫
寒盟精藍宴坐渾無寐看月初生魄漸盈

贈許竹隱郡丞

霜落吳門出越關錢塘蘭棹水雲閒西興渡口斜陽
外南鎮碑亭暮靄間輿馬風塵資敬叔道林經卷過
蕭山禹陵樽酒橫橋上記取扁舟夜火還

劉生座上再用前韻四首

漁扉入夜可曾開。尚笑鳧鷗未解閒。王謝文章霜樹裏。陶朱事業水雲間。嘗聞鑑曲難爲水。除却蘭亭不似山。宛委藏書知有在。好探金簡共人還。

經冬鳥語尙關關。箬笠詩瓢好是閒。蘆荻蔽天舟一葉。松篁掩迳屋三間。辭官苾蕞歸何水。保楯夫差尙此山。莫似子猷乘興盡。故人未見便空還。

仙霞南去築巖關。組練雲旗報已閒。羽檄正飛催巨艦。軍書何日罷行間。孝侯燈下長橋水。處仲樽前建業山。好祝陽春催露布。同人鼓棹凱歌還。時座上方演周處故事

霜鞋落水扣松關。始識人間鶴鹿閒。不爲浣紗來響

志壑堂詩卷六 五

屨。豈因蓴菜下雲間。旗亭買斷無憂酒。藜杖登殘木假山。歸去吾廬詢句曲。三茅好問大丹還。

阮亭日唱和數詩皆仙人語不似食烟火者

贈鯉魚橋主人

吳越輕舠泊水關。主人院宇自高閒。諸君合置雲樓上。此子或宜丘壑間。木榻留賓棲鳳竹。晴窻對客臥龍山。鄭莊驛舍渾無厭。直住平原十日還。

贈王綏山副使

金門音跡付踈慵。頗憶同遊聽曉鐘。西子湖邊芳草暮。丈人峰下碧雲重。連床快語三天竺。並馬晴看九里松。慚愧杜陵無此句。與君相見太從容。

憶山陰

苧蘿溪口舊蘭亭山色蒼茫霜樹青不見美人留粉黛空傳道士寫黃庭近城竹密晴雲黑過市船多港水腥極浦漁舟雙短棹寥天孤鶴一修翎

阮亭曰雙結老氣

贈王綏山

平津不厭惡賓乎對使開樽日又哺弔古聯吟歸畫舫看山行酒命僧厨真成故事三生石快讀新詩十斛珠幾載相逢動問訊喜君子弟有封胡

贈阮生

好山晴日似初春拄杖青鞋事事新自是竹林逢阮籍不關採藥得劉晨長歌痛哭皆奇士美女神仙亦

志壑堂詩卷六

六

可人檀板一聲高韻發桃花潭水認前身

步西湖堤上

煙雨笙歌總不宜蕭然杖屨此蘇堤西陵墓木飛烏鵲南渡宮牆立鷺鷥卯酒市樓沽飲後午叅隣寺打鐘時始知晴日閒來徃倒影湖山返照奇

贈戴岵瞻京兆

息肩襪被感居停十載離群見典刑東國傳經儀禮註西湖高卧少微星與僧結制山留杖對客開扉水浸亭翻笑子猷無意緒剡溪纔到又揚舲

雲棧

暖日肩輿復杖藜沿江一徑指雲栖山連和靖藏梅
塢水出巖光隱釣谿佳句床座風高墳院古松篁影
暗法堂低十年夢覺西方意七筆勾詞感舊題

雪隱寺

南宋陵園付劫灰鏽崖古佛亦薜苔諸天鳴磬泉皆
應絕壑聽松響易衰占此溪橋圖像在清人魂夢畫
屏開達磨東度山無主意嶺如今悔不來

戴岾瞻水亭贈別

暇日蕭齋暖復晴臨岐絮語倍分明坐傾新釀松膠
熟起看寒梅笑靨生邸舍再來如故識奚童曾見亦
歡迎於今始識王猷意安道相思爲有情

志壑堂詩卷六

七

封嶺上人養母詩

旅食江湖臘盡天聞君菽水意悽然誰云大士維摩
詰自識前生目捷連身世乖竿春澤外晨昏煨芋火
爐邊笑他東海延年母歸去爲兒掃墓田嚴相國請
之曾孫也

阮亭口
大好詩

戊午元日武康同念東先生

賭酒傳柑失曉鐘淡雲已覺日矍矍平添歸興鱸魚
外細聽民情爆竹中火客尙留歌歲暮乍晴微雪聽
年豐片帆明日東風便定免推窗雨打篷

阮亭曰元旦有此
閒人有此妙作

留贈露勸祠主人

伍越潭南風雪殊露筋祠下旅魂蘇流亡難狀鴻棲
潛稅取何堪豕負塗行不得歌泥滑滑須何時樂生
烏烏老年胃濕諸情減銷夜蓆菘倒一壺

寶應懷孫樹百給諫

蕭蕭舴艫火雲懷憶昔諸賢文社開扁豆花繁歌筍
發葡萄葉暗狝觴權山川如故鶴難認指爪無踪鴻
再來焉得河陽賢地主甘棠樹下酒盈杯

宿王家營二首

遊子今朝已渡河投鞭真欲斷春波難忘水國松篁
好畢竟中原天地多烏語慣聞通譯使蛟人常怪隱
漁蓑漕艘不至新挑急未審波臣意若何

志壑堂詩卷六

八

故園春半數歸期簷鵲蛛絲知不知雨雪荒臺漂母
廟烏鴉老樹露筋祠五加皮酒難謀醉十樣蠻箋且
賦詩自是尋常垂釣客淮陰市井漫相疑

宿中興集

摩娑雙眼醉初醒乍見湖洎麥隴青縮地名園終偏
窄淨家高士太飄零竒逢南鎮兼靈隱薄倖西谿與
洞庭惟有慧泉隣圃水回思澆澆耐人聽

阮亭曰與名山續卷如此真
我輩性情未可爲外人道也

青駝寺宿

纔近耶那便有情非關林壑舊曾行沿村吹角牛羊
下向曉聞鷄桑柘鳴河北人情原樸畧山東地界故

寬平休勞更問般陽好但道何溪水不清

早行入萊蕪縣

吟鞭打點扣柴扉日說當歸已早歸
青石關高逼鳥道蒼龍峽轉抱漁磯
護泉禁樹依山老行雨勞雲貼水飛
昨夜燈花應有兆休嫌春仲鴈來稀

辰爨梁莊二首

泉清山轉水潏洄笑指吾廬三逕開
煤比帝城通夜火酒分仙府隔年醅
梅花盼望今春艷竹樹悽愁昨雪催
俱道客歸經五月祇疑人夢武林回
梓潼山下有茅廬萬里歸心已倦歎
手自種花兼釀酒日先趺坐後觀書
麥收使越裝難並稅畢通侯貴不如
封戶蝸牛聊自好藥鑪丹滿舊病除
將泛吳越預作太平詩

志壑堂詩卷六

九

補綴

布衲青鞋尙未殘
櫻櫚補綴破蒲團
將探阮肇逢仙洞
欲上巖光釣隱灘
未必三山風浩浩
不成五嶽路漫漫
祇愁雲外金庭館
縹緲天橋去住難

阮亭曰如此胸次真
有振衣濯足之槩

歸來

此去巖陵訪故廬歸來重訂晦菴書傳心端屬程明
道正誼無如董仲舒小技雕蟲才已盡短衣射虎氣
全除昇平有待雙鞋健檢點名山定起予

陽丘城北水村

女郎山下本丘樊百脉泉流清遶門隔岸芙蓉低蔭
寺臨溪楊柳密成村投竿不離蘆花港禁足真如祇
樹園過客好拈書簞賣攜家來住水雲屯

送張恭壽北上

長安跌坐隔緇塵濁水蓮花簇簇新九列尊嚴爲會
友七真師弟本鄉親星辰歷落通仙界海嶠參差結
地隣梵志此回生羽翼重來不是舊時人

志壑堂詩卷六

十

阮亭曰較錢唐蘇小
是鄉親何如一笑

送田子綸學憲之任江南

錦帆高颺過江輕朱節三吳送曉征掉鞅那辭司鼓
角臨軒本意謝鴻名臯比鄒魯橫襟坐手版機雲卻
步行御筆親除詩句在傳聞特與此韓翃

憶五畝園中小臺

塵勞誓斷不相關浮世何人若此閒花塢披圖尋繭
室露臺把酒對叢山林清搖落諸峯見稅畢行吟萬
慮刪寄語蒼頭休懶漫梅開南望主人還

蒿里山下訪祖珍禪師

山館題詩坐夜分幾回書札念離群披來蒿里雲三

徑放下青州衲七斤竹樹垂陰留繾綣巖泉出谷送
殷勤相逢又作秋堂別向晚清鐘何處聞

泰安道中

高峯南北似嚴關南下諸泉又北還直透聖林皆迤
水曾棲孫復是神山金風玉露天猶熱斗笠青鞋意
自閒最愛垂陽陰半頃清流薄浴石潺湲

雨止

徂徠新甫自雲收膚寸能消萬戶愁七十二泉南旺
開八千餘艦北神州滂沱未必周鄉國消息誰能報
遠遊應信諸溪皆赴海此間滴滴灌漕流

雨中

志壑堂詩卷六

十一

濃陰偏與路人宜重宿敖陽路未岐雨伯闕闕催陣
鼓風師習習颭靈旗捐除紈扇非秋意拂拭桃笙有
夢知助我吟詩驢背上山頭山脚一絲絲

蒙陰道上憶念東先生

前歲逍遙事采真一時瓢笠應緣身公爲安養修行
侶我亦湘潭憔悴人湖上旗亭閒對酒江邊風雪坐
垂綸祇今先世牛眠處尙有衰宗共結隣

敖陽

濟南已過過敖陽十日南征却近鄉馬省解鞍曾繫
樹人尋沽酒舊眠床天空雲影連峯黑雨歇秋原返
照黃大妖東蒙山色裏遠林如薺晚蒼蒼

念東先生送余南行詩二十首內有屢渡黃河
笑故吾之句寄慨良深因廣斯意作六首

似與陽侯唱別離船頭醜酒自吟詩桃花浪發司空
事瓠子歌成漢武時顧影幾回鴉鬢改臨流三嘆蒯
緱知也憐積石清何日寧獨蹉跎有所思
一錢不敢昧波臣照影迢迢意思新我自調心卿莫
問君從呼馬阿誰嗔洮陽破浪嫌無狀師德登舟定
有神卻喜長年頰致語雙纏鶴首坐何人
紛紛蘭棹似星羅鼓掌中流一浩歌警爾賓朋猶我
在思之爛熟較誰多尊前不少揶揄鬼畦上常逢春
夢婆留得故吾慙笑傲將還二十渡黃河

志壑堂詩卷六

七

挽將濁水認頭顱無此鬚眉不丈夫足下三山徐福
屐胸中五嶽尙平圖周旋久矣我非我寂照悠然吾
喪吾話到沃焦愁欲絕桑田翻恐笑麻姑

蛇神牛鬼不知音剝海惟存此素心白髮蕭騷留鶴
舞紅顏天好對花樹遠公偏重陶元亮仗度常懷支
道林敢道迦女無面目虛空螺髻渺難尋
舟師且放權歌徐河伯垂慈一上書聖主不辭沉
我壁下民何罪聽其魚金龍廟祀年年盛清水潭開
歲歲殊願似酸寒無變相橈歌直送報天儲

雜興再和孫忤庭侍郎韻六首

舊館依稀客若歸清秋莫遣素心違江鄉廢浦惟蘆

長漁父全家得鯉肥河伯忌成功九載僧伽喜說飛
三衣石尤作意逗留甚不分來帆片片飛

白鷺憑飛帶雪濤擎天自有負山鼇多年願力仙難
遇此日閒情福易消坐倚烏檣占燕尾行尋村落認
魚標淋漓一夜看洲勢蘆荻爭如釣艇高

估客商量水捺捺方舟不得雨纖纖閒艙晴望開窓
好列肆泥塗着屐嫌點鼓數聲船婦喜扳臂一帶老
龍潛蒼茫日落桅俱落吳語連翩問酒帘

入覲藩王隔驛聞薰香宿處尙氤氳歸朝自識驪龍
氣過市初無虎豹群霄漢寧辭垂雨露尉陀可欲附
風雲昆明早晚除黃屋御壁同來論世勳

志壑堂詩卷六

七

劉阮雙鬟不可逢扁舟聊復采芙蓉洛神賦漫臨前
浦童子叅當歷別峯羽背行雲笙若鶴堂頭說法杖
如龍木蘭院裏題詩在回棹重聽舊夜鐘

宣房負土漢公卿三策虛勞問賈生河道茂深關積
貯海門通塞費經營能令水伯無壅土寧獨淮陽事
耦耕但守司空遺訓在佻圭依舊告平成

過淮南第一山憶丁巳同遊兩先生

長淮無恙布帆收水漲風生幾許愁餘日正堪憐赤
子此行差不負清秋隔山寺樹章章見入谷厓泉漣
漣流惆悵舊遊那可共柳陰與上采菱舟

歸去長林占一谿山堂準在孝河西三偷桃笑東方
朔五殺皮憐百里奚絕口毋勞司月且冥心祇自禮
雲栖菟裘松竹常隣近示疾微煩一杖藜

莫踏峯前與水前森森花木卽牛眠未能遣破塵情
耳不遇還如晝夜然窳窳勞從二仲英靈安用銅
三泉閣浮自有韓擒虎未定冲昇葛稚川

蕪湖南下

維舟東下霧濛濛樂事休乘破浪風豈有遊裝懷陸
賈免教閉閣笑揚雄齊梁故蹟輕帆外吳楚分疆細
雨中指點江山渾不信訴來嘆煞老漁翁

贈張卽公郡丞

志壑堂詩卷六

古

住舸三山古帝畿如今五馬故人稀常懷姑射神仙
洞今上青蓮供奉磯風雨兩帆知義重江湖雙節柰
心違詩篇細讀油然醉頗悔從前易別非

長年王老教其兩孫誦詩賦贈

一葉雲山不買村乘秋往往離吳門石頭城下歌衰
粲下卯橋邊甲許渾有子操舟惟振柁無家繫纜好
開尊卻聽後舫閒功課詩卷高吟教兩孫

阮亭曰如此長年三
老士大夫所不及

慧山秦園

種竹無山不與衍有山無此水潺湲蒲團蹄壑聞聲
坐枕簟分松轉影眠清嘯不離巖石下展痕常憶樹

堂邊祇宜湮塞南亭井重注秦園第一泉

慧山泉

有引

中泠慧山二泉水本出高源當人跡未經時定
嶽崎磊落可喜不知何物庸流斲井覆亭爲
山川之辱倘後有好事者決井毀亭洗發出
太古面目踈鑿之功當不在神禹下矣

兩泉母復辨喃喃重與殘秋卸片帆誰始茅亭添石
甃雖云温滑勝江醜澄泓原自來高澗削鑿終當出
舊巖引入僧厨憑去處上頭一任種松杉

青山從不慣媚

謨杯切

人忍使林泉亦失真野老偏能

供土木庸僧爭識愛嶙峋非緣大屐摩醯眼豈易終

志壑堂詩卷六

五

全清淨身畢竟生公稱解事至今頑石與誰倫

過齊門

野人不識館娃宮取道金昌亭子東烏桕蕭蕭蘆葉
雨朱欄絮絮桂花風虎丘數面松陰見鶴市千家伎
舫同寄語吳儂須辨取夫差可使讓梁鴻

松江何籛壽同年道村居之樂

近郭魚腥雜市塵蓬村紅樹逼秋新還來脫粟同知
已更不餘錢奉要人徃事回頭嗟芻側九切狗前賢掉

臂憶鱸葦此間籍籍推陶峴雲水三舟自在身

優曇園贈許蔗使鶴沙

曲檻微頰迎送勞有時佇立遣人招深林翠羽飛難

到小隊紅牙按不羈
宴坐憑風開瑣闥
閒眠聽雨浸橫橋
蒼厓縱落銀濤險
可敵滇南北望遙
關山亭子唱勞勞
不爲悲秋賦楚招
閉閣楊雄休寂寂
封侯李廣漫囂囂
且從羊仲開三徑
莫數將軍第五橋
典發杜陵添故事
生平誰憚馬蹄遙

二陸舊井

殘秋顧影百回思
古甃山門一杖藜
賜第悠悠迷姓氏
高扉徃徃化招提
銀瓶素纒無消息
瓦鉢清齋有別離
諸陸雲坊安石壑
我來下榻每題詩

贈韓武康樾依

紫薇青瑣待華簪
漫向東堂戀苦吟
一隊健兒隨射

志壑堂詩卷六

六

虎兩行書記候鳴琴
銘功想在銅官嶺
製錦何如烏柏林
別日前溪聽子夜
霽然水石激清音

阮亭曰洵如所言何慙仙吏

同韓燕翼張可積許靜修宿資福寺留別靈機

禪師

屢見鄉人說梵宮
坐間閒適證宗風
定中歷歷聞香板
眠後燻燻悟火籠
自昔祖庭推大慧
於今行輩首天童
好從拄杖探消息
病後支離似懶融

贈葛芻上先生

制義童時重縹緲
巋然何意見靈光
堯臣已識東方朔
商室長存李伯陽
玉詔未隨開史局
金庭端許

逐仙梁年年高卧君知否館閣誰人不末行

四明留別姚佩若中翰

匆匆十日招攜外最喜鳩江見大兄五嶽尋真無那
遠四明賦別若爲情辟疆園內松筠色招寶山間風
雨聲病後清齋恒獨醒誰能不飲與公榮

釣臺詩

兩月愁爲二豎侵連朝又復動在吟冬青半是香樟
樹晴雪無非烏柏林三泖鱸魚誰敢問四明花露未
曾斟清齋但有登臨好欲訪桐廬力不任

贈謝文侯

梅花釀酒醉晴春鶴髮蕭騷謝茂秦太傅宗風知後

志壑堂詩卷六

七

齋右丞筆法認前身千秋鑑賞人難老百衲雲山業
不貧我作新詩君作畫幾番佳士共題真

姑蘇病中謝世詩二首

殘形苦我亦多時從此哀禪與殼辭厭世頭陀無恨
事哭人於越索佳詩雙旌自囑隣和靖尺碼誰堪累
仲尼延陵事廿載今朝占得力禪天貝闕信君之

故園歸夢萬重山百慮全拋好是閒架上新書難遍
讀階前冗竹語誰刪已拚卜夏修文去不意中山醉
酒還死後重生君信否可知末後透牢關

贈李鄴園制府

欄柯山下建牙新倚角三方布算神諸省於今瞻幕

府九天從此重儒臣
陰功武惠爲前輩
封爵文成似後身
誰敢公然傳羽檄
招回無數亂離人

三衢西郭三首

善財行脚苦無倫
旅舫偏能意思新
紅樹經冬初賜紫
青林帶雪更回春
瞻星估客爭開纜
落日漁郎自結隣
最是龍游鉅桥夜
蕭蕭細雨駐江濱

干戈已定泛雲航
戍卒開行罷守塘
遙樹近山韋儂畫
跡松叢竹戴逵
莊祇愁戰後無鷄犬
誰信鴻歸有稻梁
爲道盧循終寂寞
征南殺氣滿艖艖

鎖纜浮槎水拍天
漁翁普放捕魚船
碧潭網舉齊張籠
翠浪鷹飛亂扣舷
冬在巖陵枯木外
不離梅市夢

志壑堂詩卷六

六

花邊斜陽未晚
相將去半與征
徭半酒錢

阮亭曰只舉一事章法老橫

舟發衢州府

登舟翠靄已相迎
下水潺湲自在行
山喜桐廬添雪色
江如金甲破軍聲
羊裘無恙非寒士
脫粟何奇動旅情
記得來時愁急瀨
回橈箇箇與鷗輕

龍游二首

漁戶龍游聚小巖
放鷹信口唱喃喃
風生遙浦飄櫻笠
雪重晴灘曬布帆
作圃有懷成罨畫
渡河無法種松杉
西溪欲至須春半
斟酌家書待一函

阮亭曰風

士語別

傳道家園又薄收江鄉聊可復淹留寧因病洒傷時
暮自爲尋梅賦遠遊兩越山經千折水三吳鰲政百
花洲同儕卻憶王喬舄謂緩山寂寞何方葬土丘

泊窄溪埠二首

拄杖行吟澤畔徐傍人錯認是三閭那無米桶容船
婦豈有漁童主釣車長路情多皆物外少年習畫似
生初幾回應死今還在荷鍾名山任葬渠
抽簪早歲返柴廬笑倒人間李左車螺祖傳爲遊士
祖蠹魚一字喫書魚癡狂祇道批鱗易老大方驚禁
網踈賈傅屈平前日事沉湘墜馬總何如

過富平宿平安橋

志壑堂詩卷六

九

楸枰戰罷酒微醒曾把吳鉤最不平意氣肯容推劇
孟時名爭解讓虞卿長林霜落青松色遙浦波寒白
鷺盟向晚蓮花聽玉漏夢回真覺世情輕
錢鏐舊蹟動人思綠雪晴瀾下海涯率爾全圖歸國
日悠然萬弩射潮時經年不改江神懼異代猶存父
老祠讀罷班彪王命論庸奴百喙復何辭

泊錢塘江二首

尚平五嶽有前期一一圖成類畫師結綺臨春陳後
主屢廊香徑越西施牆陰盡是篔簹谷市語無非詰
曲詞重到吳山如故否爛柯歸後頓生疑
丁巳年冬汗漫遊湖心寺上水蘭舟旗亭詞客高常

侍東白裕山人李鄴侯津摩詰當歌偏曼衍山戴顓

攜酒最風流瞻於今兩地遙相憶若箇題詩翠幕樓

吳山有孫氏樓方邵村竹御題翠
幙二字向嘗與孫樹百給諫同登

吳山除夜二首

兼旬雨雪壓初春此日溪山倍可人世外年華無俗

累客中談笑有高隣崢嶸蛇尾歸雲壑晴霽鷄竿望

玉宸鈺鼓兒童敲夜夜花幡金勝一時新


凍合西湖畫舫稀祇今冰滑釣魚磯曉鷄唱徹花應

發歲酒歌闌客未歸取醉隣槽還滴瀝乍晴晨雪又

霏微六橋簫鼓時時盛春事休教與願違

志壑堂詩卷六

三



取合西塘街... 志壑堂詩卷六

正氣... 志壑堂詩卷六

兼合中... 志壑堂詩卷六

兼回... 志壑堂詩卷六

兼... 志壑堂詩卷六

兼... 志壑堂詩卷六

兼... 志壑堂詩卷六

阮亭選志壑堂詩卷之七

七言律

淄川 唐夢賚

辛酉元日

歲事湖涯慢不修元朝大雪臥蒙頭那無陰地叅獅
座早不朝天拜鳳樓客子呼盧成磊落使君致酒
競綢繆特書好借春秋筆記取同人聚越州

元日再賦

晏起吳山類僻村春風消息動梅魂北歸浦口中車
在南渡湖堤風俗存藍尾當筵歌玉樹白頭對酒笑
銀幡同人俱有尋春約莫便輕橈憶故園

志壑堂詩卷七

和張可績

聞道姑蘿客問津故廊響屨久成塵支硎黛色全經
雪河渚即武林西溪
梅花最盛梅痕已綻春王粲登樓偏作賦
梁鴻舉火漫因人家園忙煞椒花頌輸與吳山自在
身

周雨文邀觀燈同介菴香岩靜修分韻得花字
良辰儼屋住山家結約束圍待月華搗鼓將催春雨
散燒燈不分暮雲遮升菴酒後歌雙髻許踏狂來泛
九霞俱醉醇醪還顧曲各翻樂府對銀花

西溪看梅花二首

風俗梅花種舊溪吳王城畔聖湖西田家望與秋成

急陌上香分竹樹齊。南國登臨晴不易。北人驚叱醉相携。羅浮酒肆知何在。似訪漁郎路乍迷。

迢遞秦亭山下村。扁舟容與易黃昏。齋壇不失蓮池戒。圍面如聞和靖存。茶熟因僧留下榻。花開爲客夜關門。挑燈賭墅渾無倦。玉版新叅仔細論。

贈余澹心處士

芒角天垣姓字寒。吳山邂逅此盤餐。難忘黑子談高允。不出蒼生笑謝安。話到奇人多痛哭。聚來客邸易清歡。王充著述盈三尺。肯借中郎一再看。

贈方樓岡學士

北門瀟灑別金階。癡絕三閭願易乖。常念關山歸皂

志整堂詩卷七

二

帽。忽逢吳越入青鞵。搗來海屋還封待。用白老去高傳事

峯好活。理凝碧池頭。添故事。却嫌摩詰費吟懷。

李長白大叅復招飲

驛騎留賓說鄭莊。於今烏府數飛觴。李前御史平泉再過知花石。鄴架還臨對縹緗。旣醉徧携仙掌露。瀕年分餉禹餘糧。龍圖門下原多士。却識交情重渭陽。

贈李嵩岑撫軍

金闕丹臺舊有師。西平清節九天知。中原幕府群相望。早歲詞曹薄不爲。緩帶投壺羊叔子。開樽置驛鄭當時。可從放鶴銀籠口。借取水桃示術奇。

送高節培歸里

忠憲遺風起慧陽逢君猶似見靈光門庭允簡推元
禮氣節從容憶范滂且喜龜山籩豆在還聞首善講
堂荒中丞便是延平李第二泉流惠澤長

李嵩岑撫
單爲高學

憲公
門人

王信初少卿見招先投以詩二章見謝小酌依

韻和之

元直登床舊不拘朶頰今日報雲厨精魂恰共三生
石潦倒驚存七尺軀畫舫西湖蕭寺外吳山南渡古
城隅不知黃久倪迂輩圖寫生綃似此無

送嚴方貽侍御北上

金甌無恙版圖新善後機宜賴近臣露布高飛知事

志壑堂詩卷七

三

定滄江久臥念時貧何能仗鉞三軍者倡作躬耕百
畝人當宁常愁民力盡烏臺莫厭奏章頻

阮亭曰五六見經
濟不應作聲律觀

午日寄懷李鄴園制府

雨歇初曦照寺樓紫陽山館類清秋棲遲於越人將
發歌舞昆明報已收蘭籍似來聽浴鼓軍機偏改競
湖舟漫勞繫絲銷兵甲元凱旌旂駐上頭

西泠橋上觀龍舟

六一泉邊書畫樓重來屈指四春秋山晴粉黛粧初
出潮落英雄氣已收旗幟疑開金鎖甲鼓鉦全動水
蘭舟分明水戰前八法祇少伊涼唱換頭

送信初歸仍用前韻

寓齋竹樹拂隣樓。賓客相過有奕秋。顧愷當窻花影亂。桓伊薄暮笛聲收。兼旬並苦黃梅雨。刻日分歸棹。李舟最是酒闌歌發後。聯吟彷彿鳳池頭。

壽春菴遇孫海門刺史

吳山雨霽起微寒。瞥爾相逢憶故歡。曾道麒麟傷網罟。不聞麋鹿愛衣冠。篔簹谷得禪天樂。祇樹林無行路難。文正名泉依舊在。寶蓮池上試來看。

贈海木

鄧禹欺人笑老兵。丈夫二十未成名。黃金北闕方招隱。白鷺西湖且罷盟。水郭牽舟分袂色。山堂下榻讀

志壑堂詩卷七

四

書聲好。留醉墨。題橋柱也道從今萬里行。

陳用亶堯夫沈宏畧移樽過寓中同海木賦謝
門外頻來長者車。故人相見勝雙魚。睽離多在歸山後。意氣徧成識面初。珠館壺觴增感慨。瑤臺鐘鼓報清虛。到來往往成高譙。却悔河梁問訊踈。
西風薄日鴈行斜。襪被經年嘆物華。拄杖過頭皆是客。緜袍煖耳漸成家。狂吟寧敢稱三影。爛醉何堪泛九霞。便羽衛陽應有信。遄歸猶見滿籬花。

贈張肇菴因及海木

白髮高談定起予。閒來揮淚話生初。秦城不與歸完璧。渭水何緣載後車。馬角烏頭今已矣。水天雪窖更

何如世間更有傷心事狗監無人薦子虛

送周介菴太守歸

放棹嘉禾秋雨微
淒然旅邸送君歸
人過北固鐘聲發
帆落東林木葉飛
作客經年書畫滿
到家晚圃芥菘肥
不須悵望同遊者
但掃寒山舊釣磯

和吳幔坡見贈詩

長揖頰驚玉笋班
知君詞賦滿雲山
棄繻年少才偏壯
運甕身勞意正閒
綠酒樽前傷閨寂
黃金臺下費躋攀
秀才事業推文正
翻在窮愁晝粥間

幔坡將之姑蘇坐中贈行一首

彌勒龕中賦卜居
季鷹那定戀鱸魚
苦吟連日愁蔬

志壑堂詩卷七

五

笋並舫明朝入闔閭
豈有黃金招樂毅
不妨白馬爭靈胥
河橋青幔聊成醉
記取永城落照餘

答曹尙白見贈

拄杖披尋越絕書
相逢道院正秋餘
七言屈子離騷後
八法羲之搦管初
坐隱不辭紗帽側
清齋莫遣酒杯疎
知君有意澄江上
或向嚴陵一釣魚

嚴州

指點歸雲沒斷鴻
蘭舟此日又浮空
新頒白帝千林紫
欲傲花王十錦紅
處士不離茅舍外
神仙多在亂山中
漁翁杯酒知何意
正掛孤帆趁好風

山開水漫艷雲徧蘭漿蕭閒戰血枯坐可呼盧題彩
鷁行將牽犬獵寒蕪客留南國開黃菊鷺與西風捲
白蘆繫纜江干杯酒意猶然燕市舊屠沽

阮亭曰五六與少陵南
菊北書一聯并有千古

重過南湖

南湖猶是看花船沽酒還來擊小鮮客子壯遊情汗
漫鄉人惜別語纏綿重經橋李蒼英會漸近楓橋橋
柳天座上鄒枚皆好事那無詞賦滿山川

中夜雨作不寐

窮年嘗戴遠遊冠不爲山川行路難於世那除名士
氣調心祇作閉關看反裘未必爲供爨載壁何人亦
具餐珍重家書無善狀浮籤兩字署平安

志壑堂詩卷七

六

過宿遷

路出江淮盡此城偏疑月迤故鄉明隔年再與陽侯
別明日初爲泰岱行自帝已知收稼穡司空何計奏
平成故園歸去羊求在得意圍爐歲酒清

沂州曉渡

過山今又過沂城古道驛驕曉日明豆粥漸香人讓
座酒爐纔沸客謀行瑯琊南渡才偏盛諸葛東耕願
不成但道麗譙樓下水曾臨躡傳照顏清

